

315

Abregé d'Herbair  
saints

聖  
綱  
鑑  
小  
畧

shing  
kong  
kiam  
shiao  
leuk

ARETH 1926







聖網鑑小畧

NAZARETH 1926



天主降生一千九百二十六年

香  
港



恩

准

香港納匝肋靜院印版



聖綱鑑小畧 目錄

- 第一節六日中世物俱備  
第二節七日內人類初生
- 第三節善惡樹天主示禁  
第四節善惡菓夫婦偷嘗
- 第五節逆命則隱身文過  
第六節責蛇則寓意降生
- 第七 出地堂夫妻受罰  
第八 祭天主兄弟殊趨
- 第九 加音設謀殺弟  
第十 加音失望逃生
- 第十一 天主命諾厄造櫬  
第十二 諾厄得天主保家時天主造天地後一千六百五十六年
- 第十三 退水災鴿回有據  
第十四 免水患虹見當空
- 第十五 諾厄責剛之不孝  
第十六 造齊天寶塔因別其音
- 第十七 萬民分居以別邦國  
第十七節 立約言遷居獲福時造天地後二千零八十二年降生前一千九百二十一年
- 第十九 兩叔姪分居可紀  
第二十 五城人有善無多
- 第二十一 犯淫罪不免滅城  
第二十二 信全能居然生子



- |       |          |       |          |
|-------|----------|-------|----------|
| 第二十三節 | 顯愛情祭將殺子  | 第二十四節 | 感信德易之以羊  |
| 第二十五節 | 亞巴浪命役人求婦 | 第二十六節 | 役人爲亞巴浪索婚 |
| 第二十七  | 力覓加喜陳世系  | 第二十八  | 力覓加告接冰人  |
| 第二十九  | 馬都厄女相攸如願 | 第三十節  | 力覓加卽便于歸  |
| 第三十一  | 依撒厄得妻慰念  | 第三十二  | 厄撒烏讓弟居先  |
| 第三十三  | 依撒厄命長子出獵 | 第三十四  | 力覓加爲次子設謀 |
| 第三十五  | 力覓加烹羊具饌  | 第三十六  | 雅各伯獻饌迎祥  |
| 第三十七  | 厄撒烏獵回求福  | 第三十八  | 雅各伯潛避除凶  |
| 第三十九  | 雅各伯夢裏承恩  | 第四十節  | 雅各伯途中問舅  |
| 第四十一  | 雅各伯因親結親  | 第四十二  | 雅各伯爲弟盡弟  |
| 第四十三  | 若瑟見妬於兄   | 第四十四  | 若瑟自述其夢   |
| 第四十五  | 衆兄謀殺若瑟   | 第四十六  | 長兄情援若瑟   |



- |       |         |       |          |
|-------|---------|-------|----------|
| 第四十七節 | 一弟爲衆兄所賣 | 第四十八節 | 慈父爲衆子所瞞  |
| 第四十九節 | 若瑟因辱得榮  | 第五十節  | 若瑟被誣受執   |
| 第五十一  | 兩犯官有夢難明 | 第五十二  | 司酒官有夢誠吉  |
| 第五十三  | 司食官有夢偏凶 | 第五十四  | 兩犯官有夢皆驗  |
| 第五十五  | 國王得夢於尼羅 | 第五十六  | 司酒官明薦乎若瑟 |
| 第五十七  | 若瑟解王夢如神 | 第五十八  | 若瑟秉國成總管  |
| 第五十九  | 厄日多備濟貧民 | 第六十節  | 雅各伯愛憐少子  |
| 第六十一  | 若瑟反詰得情  | 第六十二  | 若瑟留人爲質   |
| 第六十三  | 西默盎羈留他國 | 第六十四  | 雅各伯責罵諸兒  |
| 第六十五  | 雅各伯兩番乞糴 | 第六十六  | 雅各伯少子同行  |
| 第六十七  | 若瑟具宴欸兄  | 第六十八  | 若瑟喜極悲生   |
| 第六十九  | 若瑟設計留弟  | 第七十節  | 司事奉命追人   |



第七十一節兄弟沿途墮計

第七十二節兄弟請罪贖辜

第七十三節茹達求代弟爲奴

第七十四節若瑟不藏怒宿怨

第七十五 若瑟命迎父母

第七十六 國王厚餽往來

第七十七 雅各伯喜若瑟尙生

第七十八 雅各伯與若瑟復聚

第七十九 雅各伯闔家得所

第八十節 雅各伯上壽蒙休

第八十一 若瑟承父臨終遺囑

第八十二 若瑟求父降福兩兒

第八十三 衆子得父加福

第八十四 若瑟葬父盡誠

第八十五 兄弟恐若瑟遺恨

第八十六 兄弟依若瑟遺言

第八十七 若伯有愛主熱情

第八十八 若伯被狂魔毒害

第八十九 若伯樂受世艱

第九十節 三友嚴責若伯

第九十一 若伯善於答友

第九十二 天主重於酬功

第九十三 黑必利蹇遇風波

第九十四 黑必利誕生神聖時天



主造天地後二千四百三十三年降生前一千五百七十一年

第九十五節公主義全梅瑟

第九十六節梅瑟脫救宗親

第九十七節合族蒙主引路

第九十八節梅瑟劃水分途

第九十九 黑必利人絕處逢生

第一百節 法辣杭兵淹盡無餘

第二百零一 天主療飢解渴

第二百零二 天主十誠肇端時天主

造天地後二千五百十四年降生前一千四百九十年

第二百零三節天主傳諭誡規

第二百零四節梅瑟造櫃棄世

第二百零五 若蘇憑櫃過河

第二百零六 若蘇立石記蹟

第二百零七 若蘇傾城用櫃

第二百零八 若蘇止日鑿兵

第二百零九 若蘇得地安民

第一百一十 天主遣神命將

第二百一十 天主命熱得盜滅兵

第一百十二 天主許熱德盜殺賊

第二百十三 三松生有絕力

第一百十四 三松計害仇人



第一百十五節三松負城門以出險

第一百十六節三松脫頂髮而受擒

第一百十七節三千人死於兩柱

第一百十八節沙母厄幼歸總鐸

第一百十九節沙母厄頻聞主喚

第一百二十節沙母厄代達主言

第一百二十一節黑必利因逆儔失助

第一百二十一節沙母厄立撒烏爲王

第一百二十二節沙母厄限期開仗

第一百二十二節若那打轉敗爲功

第一百二十三節撒烏嚴令飭軍

第一百二十三節撒烏逆命取財天主棄

之立達未爲王時造天地後二千九百三十四年降生前一千零七十年

第一百二十七節聖達未應召入朝

第一百二十七節俄利押突營挑戰

第一百二十九節達未挺身欲鬪

第一百三十節達未備敵有方

第一百三十節達未飛鉞殺敵

第一百三十二節達未奏凱入城

第一百三十三節撒烏欲背前盟

第一百三十四節撒烏屢施毒計

第一百三十五節達未洞裏恕仇

第一百三十五節撒烏陣中喪命



第二百三十七節 達未哭翁愛仇

第二百三十八節 達未犯兩大罪

第二百三十九節 先知設諭曉王

第二百四十節 先知明解喻故

第二百四十一節 達未王死子息淚

第二百四十二節 押撒郎謀篡父位

第二百四十三節 達未忍辱乞憐

第二百四十四節 達未討逆留情

第二百四十五節 押撒郎敗走難脫

第二百四十六節 若押軍義誅不孝

第二百四十七節 達未痛亡逆子

第二百四十七節 達未將崩傳位

第二百四十九節 沙羅望求主錫智

第二百五十節 兩婦人爭子求伸

第二百五十一節 沙羅望片言折獄

第二百五十二節 沙羅望建堂藏櫃時天

主造天地三千年降生前一千零四年

第二百五十三節 沙羅望老而邪惑

第二百五十四節 羅波暗大咈民情

第二百五十五節 十支派離心解體

第二百五十六節 依臘爾背主向邪

第二百五十七節 厄里亞獨蒙天養

第二百五十七節 厄里亞處歉而豐



- |         |         |         |         |
|---------|---------|---------|---------|
| 第一百五十九節 | 厄里亞復活孤子 | 第一百六十節  | 厄里亞開端悟王 |
| 第一百六十一節 | 厄里亞設法闢邪 | 第一百六十二節 | 嗎亞爾毫無靈驗 |
| 第一百六十三  | 行祈禱至誠動天 | 第一百六十四  | 戮僧人重新降雨 |
| 第一百六十五  | 過河後師徒永訣 | 第一百六十六  | 升天時神衣下降 |
| 第一百六十七  | 厄利叟先知繼起 | 第一百六十八  | 厄利叟甘泉留澤 |
| 第一百六十九  | 厄利叟命熊示罰 | 第一百七十   | 兩王受行軍之賜 |
| 第一百七十一  | 寡婦沾得子之恩 | 第一百七十二  | 婦人沾活子之恩 |
| 第一百七十三  | 厄利叟請浴愈瘋 | 第一百七十四  | 善療病不受酬儀 |
| 第一百七十五  | 妄取財轉得瘋疾 | 第一百七十六  | 死先知墓裏活人 |
| 第一百七十七  | 聖若納海上遭風 | 第一百七十八  | 若納被擲於波心 |
| 第一百七十九  | 若納見吞於魚腹 | 第一百八十   | 泥泥勿聞變知警 |
| 第一百八十一  | 泥泥勿萬眾回生 | 第一百八十二  | 依臘爾國王被擄 |



第一百八十三節多彼亞年少不凡時降生前七百二十一年

第一百八十四節多彼亞愛主散財 第一百八十五節多彼亞濟艱出險

第一百八十六節多彼亞慣作埋屍 第一百八十七節多彼亞甘受喪明

第一百八十七節多彼亞諭妻公道 第一百八十九節多彼亞訓子濟貧

第一百九十節多彼亞示子行恕 第一百九十一節多彼亞命子討賵

第一百九十二節索債人少年引路 第一百九十三節離家子老母傷心

第一百九十四節少年命烹魚取胆 第一百九十五節少年論借宿結婚

第一百九十六節辣古厄歡迎舊戚 第一百九十七節辣古厄立寫婚書

第一百九十七節外父盡情留婿 第一百九十九節雙親倚閭望子

第二百節定旋里佳婿難留 第二百零一節未歸家義犬先報

第二百零二節施妙藥目瞽還明 第二百零三節却厚酬天神出現

第二百零四節修全德父子上升 第二百零五節滅邪神平安可保



- 第二百零六節兩國王善惡異報  
第二百零七節兩代后惑溺慘亡
- 第二百零八節若亞士脫禍登基  
第二百零九節若亞士恩將仇報
- 第二百零十節背天主驕受敵擒  
第二百一十一節僭鐸德身染惡疾
- 第二百一十二節行賄賂適害國民  
第二百一十三節擅英明復興聖教
- 第二百一十四節主錫齡沈疴頓起  
第二百一十五節主助戰大敵維摧
- 第二百一十六節有德行生順死安  
第二百一十七節鋸聖人被擒悔罪
- 第二百一十八節父子因逆主害生  
第二百一十九節耆老因困會議
- 第二百二十節儒弟示衆耆求主之方時降生前六百五十七年  
第二百二十一節儒弟有孤身造營之膽  
第二百二十二節一婦仗主斬帥
- 第二百二十三節三子繼位喪邦降生前六百零六年  
第二百二十四節衆少年在朝教養降生前六百零六年
- 第二百二十五節三少年蹈火平安  
第二百二十六節一節婦拒姦被執



- |         |                   |         |           |
|---------|-------------------|---------|-----------|
| 第二百二十七節 | 兩土豪誣告受誅           | 第二百二十七節 | 人性頑愚奉泥像   |
| 第二百二十九節 | 地灰布智滅土神           | 第二百三十節  | 戮蛇身休憑劍刃   |
| 第二百三十一  | 雪蛇恨擲入獅牢           | 第二百三十二  | 猛獸能愛德噬仇   |
| 第二百三十三  | 論別位先知之聖能          | 第二百三十四  | 亞蠻欲使人拜己   |
| 第二百三十五  | 馬鐸格求援於王后          | 第二百三十六  | 厄思地能救其族人  |
| 第二百三十七  | 茹達人得回鄉土時降生前五百三十六年 |         |           |
| 第二百三十六  | 茹達國新立章程           | 第二百三十九節 | 弗棄基聖堂被劫降生 |
|         | 前一百七十年            | 第二百四十   | 恐背主豕肉難嘗   |
| 第二百四十一  | 厄利亞沙致命            | 第二百四十二  | 一母七子致命    |
| 第二百四十三  | 明大義風息波平           | 第二百四十四  | 繼統兵奪劍得地   |
| 第二百四十五  | 三千兵初行報捷           | 第二百四十六  | 一萬衆再有成功   |
| 第二百四十七  | 茹荅能重修聖殿           | 第二百四十八  | 茹荅有兩翼神兵   |



第二百四十九節 天主降腹痛之重罰  
第二百五十節 天主棄怕死之暴王

第二百五十一節 騎馬神金斧督戰  
第二百五十二節 驅象陣木塔藏兵

第二百五十三節 敢衝營刺象被壓  
第二百五十四節 敢慢主懸首示箴

第二百五十五節 未祈主宜其中箭  
第二百五十六節 既約和自爾寢兵

第二百五十七節 三傳內究有可觀

第二百五十八節 降生前此其大畧時天主造天地後四千年



古經撮要序

試問世間有甚麼事。最重大。最切要。而世人最當認識者。則莫過於造天地之原始矣。然其事都撮在於小本中。凡讀此者。知天主始造天地。何如造人類。何如。初人受造之後。天主賜以明智。賜以大能。賜以尊位。天主之寵錫。何如。後來人類怎樣失之。而自陷於苦難之境。後來又蒙天主施慈救贖。不忍盡滅人類。所有緣故。書中已表明大意。自初開天地。至耶穌降生。會計四千零四年。其間事甚繁冗。此書筆墨無多。未能盡述。祇畧紀其握要者耳。雖然。爲書雖小。其益甚宏。倘無是書。何以知天地之始。并數千年內之大事。故觀此書。須細心領會。不可有一毫疑惑。蓋所載者。種種真確。自非別的經傳可比。且皆從上古流傳。由天主默啟而得。天主恐人日久無徵。故默默中指點。



載在書上。俾後人得識天主全能智德仁慈各等妙用。所以通毆羅巴亞細亞及亞斐利加數洲人。皆篤信而深好之。知其由天主默啓無訛。卽或有意外遭逢。危急存亡之會。都不肯離背此書。亦可知此書之由來矣。然則此書之作。殆無一字可疑者。不特庸人孺子。讀之可以發蒙。卽大人長者。開卷亦不忍釋手。并教外人觀之。亦有益於身心。夫乃歎此書。眞聖教中之聖書也已。



聖綱鑑小畧

第一節 六日中世物俱備

天主初造天地。第一日造光。第二日造天。第三日造水造地。水則聚於一邊。地則命其發生草木五穀。第四日造日月星辰。第五日造飛禽水族。第六日造百獸。萬物俱備。乃造人類。以成世界。

第二節 七日內人類初生

天主將坭土造一人身。賦之靈魂。以象天主無形之體。命名亞當。又命亞當熟睡。取其肋骨一條。造一女人。與亞當配爲夫婦。此乃天主立婚禮之始。亞當名其妻曰厄娃。

第三節 善惡樹天主示禁



天主既命亞當厄娃配爲夫婦。乃安置於極樂之地。後人不能名其樂。稱之曰地堂。內有清流。可以灌溉。又有奇花悅目。美菓適口。另有一樹。名知善惡樹。天主謂亞當厄娃曰。凡園中各樹所生之菓。任汝取食。惟此知善惡樹之菓勿食。若逆命食了。必死。罔有生命。

#### 第四節

善惡菓夫婦偷嘗

魔鬼原係天主所造之神。天主因他犯驕傲大罪。罰下地獄受永苦。遂生嫉妬。變爲蛇形。蛇乃鱗虫中最狡最毒者。一日謂厄娃曰。你因何不食此樹之菓。厄娃曰。天主命我勿食。若違主禁。以手摘之。卽不得生命。蛇又誑之曰。不然。此菓能知善惡。你若食了。卽與天主無異矣。厄娃心變。摘而食之。且摘一菓。與亞當食之。



第五節 逆命則隱身文過

亞當既食此菓。頓覺形容羞赧。隱藏其身。不敢見天主。天主連聲呼之。亞當曰。我不敢見主面。逃匿於此。天主曰。你因何不敢見我。豈食我所禁之菓乎。亞當曰。然。蓋主成我婚配之女人。摘與我食耳。天主責厄娃曰。爲何你作此逆命之事。厄娃曰。此蛇誑我。

第六節 責蛇則寓意降生

天主嚴責此蛇曰。你在鱗虫中爲最可憎惡之物。因何膽敢誑此女人。今罰你委宛於地。止許山坵爲糧。將來有一女人。此女人即踏碎你首。與你永爲仇敵焉。此隱示日後。吾主由彼而生。救脫世人於魔網之事。

第七節 出地堂夫婦受罰



天主責厄娃曰。你這樣逆命。不得不降災難。於你後來難免產育之苦。從此要受制於夫。惟夫命是聽焉。又責亞當曰。你順妻逆我。是愛妻反勝於我。因你之故。此地不許自生五穀百菓以利人。止生蔓草荆棘以損人。你本坵土所造。自今至歸世之日。要勤勞耕稼。方得日用糧。言畢。將亞當厄娃逐出地堂。爰命天神。手執火劍。守此地堂之門。

第八節 祭天主兄弟殊趨

亞當多子。試卽聖經所述之加音亞伯爾二人言之。加音耕種。其祭獻天主也。不以美好之物。亞伯爾牧羊。其祭獻天主也。專以肥碩之牲。天主愛之。加音遂生妬焉。天主諭之曰。奈何嫉妬汝弟耶。汝若行善。我必賞。爲惡我必罰。感召自在汝耳。



第九節 加音設謀殺弟

加音不遵主訓。其於弟也。內懷仇恨。欲殺之心。外示和睦相親之意。因佯謂之曰。我二人全往遊玩可乎。亞伯爾未曉其計。隨至曠野。加音殺之。天主問加音曰。汝弟安在。答曰。不知。我非守我之弟者。

第十節 加音失望逃生

天主責加音曰。你所幹何事。你親手殺弟。你弟之血。流在地下。忽發異聲。求我罰你。此地既飲你弟之血。終與你爲仇。你在此地。雖極力耕作。必不生五穀與你。今命你每日要東奔西逐。流離失所。永無定居。加音失望。不復求宥。遠遁而去。

第十一節 天主命諾厄造橫



自原祖傳至諾厄之時。生人既多。犯罪亦多。背主向邪者。不勝其數。主發義怒。是時僅諾厄一家。係守分行善之人。主特免之。因謂諾厄曰。我將發洪水以滅人類。今命你預製一櫃。卽船之類。爲安身之計。將世上之禽獸。各留一對。放在櫃內。以備後來之用。

## 第十二節

諾厄得天主保家時。天主造天地後一千六百五十六年。

洪水之期已至。諾厄夫婦及三子三媳。俱入櫃中。瞬息間。海水大發。地圍崩裂。復降大雨。晝夜不息。至四旬之久。水勢浩蕩。其過地面之數。比至高之山。更加丈五。所有人物。盡行淹死。惟諾厄之櫃。穩浮於水面焉。

## 第十三節

退水災。鶴同有據。

降罰之期將滿。天主乃發大風。漸退此水。諾厄在櫃十有一月。不知水勢若



何。乃開櫃上小窓。放烏鴉一隻。鴉竟去而不返。又放白鴿。鴿見四圍有水。無地駐足。隨即飛回。諾厄以手接之。過七日仍然放鴿。未幾口啣青色阿里雅枝而回。蓋表示洪水盡退也。

第十四節

免水患虹見當空

諾厄在櫃一年。知洪水已退。仍與其妻子媳婦。離櫃居地。將櫃內之禽獸放出。乃造一臺。祭獻天主。謝主洪恩。天主謂諾厄曰。日後我不再滅人類矣。我將來設虹霓於空。爲與世人立約之憑據。譬如將雨之時。雲在空中。人皆得見。他時見此虹霓。卽不發洪水之徵驗也。雖然洪水以前。人壽極長。亞當享年九百三十。馬都撒冷九百六十九歲。諾厄九百五十歲。洪水以後。人壽短促。或二百歲。或一百歲而已。



## 第十五節 諾厄責剛之不孝

諾厄生有三子。長子名生。次子名剛。三子名雅弗得。諾厄植葡萄林。取其汁飲之而醉。初未知其能醉人也。後酣醉赤體臥庭中。剛見而笑。呼兄弟來觀。兄弟威怒責剛。卽共持一衣披於肩上。背面而進。以覆父身。不敢視。諾厄醒後。聞其事。乃責剛。詈之曰。可惡者剛也。爾及子若孫。將永爲兄弟之奴。隨祝福子生。暨雅弗得。以獎其敬父之心。及後子孫所受。或福或禍。俱有驗焉。

## 第十六節 造齊天寶塔因別其音

洪水之後。人類漸繁。欲分居於天下。先議造壹塔。高能達天。取磚爲石。膠油爲灰。以築基址。天主見人心向邪倨傲。遂傾其謀。當時之人。一舌同音。天主紛其音。使言語不通。遂罷其工。由是天下聲音別矣。故謂其塔曰巴伯呢。譯



言紛音塔。自此各散東西。

第十七節 萬民分居以別邦國

生居亞西亞。凡達旦。中華。日本。高麗。安南。伯爾西。印度。默所波。打彌亞。亞路。默尼亞。亞西利亞之間者。皆屬生之後。剛居亞非里加。亞辣未亞。厄地奧。彼亞。西利亞之間。凡黑人與畧黑諸民。皆其後裔。雅弗得居歐羅巴。小亞西亞之間。自此世人漸忘天主重罰。背善向惡。比洪水前之人更甚。又忘天主造人物之大恩。罔思報本。拜日月而不孝敬父母。凡說謊。瞞騙。偷盜。殺人。無所不至。種種罪惡俱犯。

第十八節

立約言遷居獲福時造天地後二千零八十二年降生前一千九百二十一年

世人雖多作惡。亦有守教行善之好人。好人之中。有一聖人。名亞巴浪。係諾



厄長子亞生之後。天主與之立約曰。你離所居之地。而往別處。凡你所到之處。卽爲你及你子孫所有。我賜你子孫衆盛。如天上之星。難以數計。且你爲數國之祖。因你之故。我并加福於萬國之人。此天主第二次許降救世主之意。且明言從亞巴浪之後裔而生也。

第十九節 兩叔姪分居可紀

時亞巴浪原與其姪祿德同居。天主降福甚厚。多賜以財帛六畜。彼此均成巨富。因所居狹隘。國人互爭牧地。祿德遂遷於若而當河之濱。後入鎖多瑪城。亞巴浪仍居於加那汗。

第二十節 五城人有善無多

瑣多瑪及臥莫辣等五城。犯拂性邪淫之罪。天主大發義怒。謂亞巴浪曰。五



城之人。我將滅之。不使遺類。亞巴浪曰。如此豈非善惡同盡耶。若城內有五  
十善人。主免之乎。天主曰。果如你言。則我免之。亞巴浪篤信天主仁慈。再問  
之曰。若有四十五。或四十善人。主亦免乎。天主曰。如你言。我亦免之。亞巴浪  
猶慮四十善人之難其數也。遞減而三十。而二十。以至於十人。俱蒙允諾。不  
謂數十萬人中。竟無十善人也。亞巴浪遂不敢復言。

第二十一節 犯淫罪不免滅城

次日。天主命二天神。行滅城之事。先往祿德家。攜其夫婦。並女二人。離城遠  
遁。蓋念亞巴浪之功也。方出城。天主降火。烈焰騰空。瞬息之間。五城俱燬。祿  
德而外。無一得免。五城之地。變爲死海。魚鱉不生。死海之濱。草木不長。吁嚴  
罰如此。可不畏哉。



## 第二十二節 信全能居然生子

亞巴浪年已老。無子。其妻撒辣。本體絕不能生育者。天主特恩。謂亞巴浪曰。我將賜撒辣產一子與你。撒辣聞言而笑。意似不信。天主責之。亞巴浪知。天主全能。獨深信之。越一年。果生一子。命名依撒厄。

## 第二十三節 顯愛情祭將殺子

依撒厄既長。天主欲試亞巴浪之信德。乃曰。亞巴浪。我命你在某山。殺所愛之子。而祭獻於我。亞巴浪聽命。毫無憂戚。令其子負薪先往。己亦執刃及火。隨行。途間。依撒厄問曰。薪火俱備。將用何物以祭乎。亞巴浪曰。吾子。祭獻之物。天主已分付我矣。

## 第二十四節 感信德易之以羊



亞巴浪既至某山。設一臺。積薪於上。縛其子之手足。將殺之。忽有天神。在空中大呼曰。亞巴浪。勿下手。你止一子。猶甘心以之祭獻。天主知你之信德。極堅。將降福於你。且令天下後世人知你之堅信。始得。亞巴浪聞言。愕爾回顧。見林內有一羊。樹掛其角。乃取殺之。以代其子。

第二十五節 亞巴浪命役人求婦

亞巴浪因其子已長。爲之聘婦。乃命役人厄利厄色帶駱駝十匹。負載聘禮。往未叢坡達未亞之地。其地卽亞巴浪之原籍以求淑女。既至。停駱駝於井旁。以俟彼。

蓋素知該處風俗。里設一井。下午之時。婦女必多出汲。欲因便而擇聘故也。

第二十六節 役人爲亞巴浪索婚

厄利厄色祈禱曰。吾主亞巴浪之天主。我承亞巴浪之命。爲依撒厄聘婦。求



主指示我。我將向衆女取水。若有以水與我者。我卽定聘焉。禱畢。適有美貌童女。負罐而來。厄利厄色問其名。答曰。力覓加。遂求其水。力覓加以罐與之。厄利厄色飲訖。力覓加又遍飲其駱駝。厄利厄色睹此女之情形。知是天主聖意也。

第二十七節 力覓加喜陳世系

厄利厄色將帶來之金環手釧。送於力覓加。乃問其父母姓名。里居。力覓加曰。我父馬都厄。我祖卽亞巴浪之兄也。家有餘屋。可與你方便之居。又有草料。能備你駱駝之用。厄利厄色聞此言。卽感謝天主。默啟指引諸恩。

第二十八節 力覓加告接水人

力覓加歸告父母。曰。有客遠來。其兄辣邦聞言。卽往迎接。旣見。謂厄利厄色



曰。吾主。佇立已久。請至吾家。安頓行李可乎。言訖。主客齊回。隨具膳饌。

第二十九節 馬都厄女相攸如願

厄利厄色備述遠來之意。卽爲依撒厄求婚。力覓加父母曰。此是天主聖命。我們何敢違背。厄利厄色知婚事已諧。隨具金寶釵環衣服。以爲聘禮。且於其父兄。別有所獻。是時相得甚歡。設席慶賀。

第三十節 力覓加卽便于歸

明日厄利厄色謂力覓加父母曰。我們離鄉已久。吾主亞巴浪盼望良殷。求你早定于歸之期可乎。答曰。當喚此女來。聽其自主。力覓加既至。卽指厄利厄色問之曰。你肯與此人同去否。答曰。固所願也。於是束裝乘駝。命其乳母隨行。既就道。乃誦經祈主而祝之。



## 第三十一節 依撒厄得妻慰念

依撒厄偶出遊玩。遠望駱駝迤邐而來。兩面行途漸近。力覓加瞥見依撒厄。卽下駱駝。問厄利厄色曰。此人是誰。答曰。卽吾主亞巴浪之子也。力覓加急以帕掩其面。厄利厄色將所歷之情形爲依撒厄詳述之。是時依撒厄已丁母艱。遂引力覓加入其故母之房。初依撒厄因其母之棄世。心中不勝憂苦。今見力覓加乃畧慰焉。

## 第三十二節 厄撒烏讓弟居先

力覓加一胎生二子。長子名厄撒烏。次子名雅各伯。厄撒烏遍身皆毛。有力好勇。善獵。雅各伯性情靜逸。一日雅各伯將食荳。厄撒烏獵回。謂其弟曰。與我。我飢甚。憊甚。雅各伯曰。你若讓我居長。我卽與你。厄撒烏曰。讓雅各伯曰。



你果真讓發誓方可。厄撒烏乃發誓而讓之。

第三十三節 依撒厄命長子出獵

依撒厄最愛厄撒烏。因行年已老。雙目又盲。生平嗜食禽獸之肉。厄撒烏每獵而供之。力覓加與其夫品性不同。惟愛其次子雅各伯。一日依撒厄命厄撒烏曰。你可携弓矢往獵。預備甘旨之需。趁我未死。降福於你。厄撒烏領命而去。

第三十四節 力覓加爲次子設謀

力覓加聞依撒厄之言。謂雅各伯曰。你父好食山羊。你急取來。我親自割烹。令你送去。必得其降福。雅各伯曰。雖然。吾兄厄撒烏有毛。豈容假混。若父親知我所爲。必然動怒。恐求福不得。而反得禍耳。



## 第三十五節 力覓加烹羊具饋

力覓加見雅各伯不從。又曰。吾子毋畏。你聽我言。縱使求福得禍。我則當之。雅各伯順命。以山羊與母。力覓加素知其夫所嗜何味。極意烹調。命雅各伯穿厄撒烏之衣。又以羊皮捫其頸。纏其手。督令送饋於乃父之前。

## 第三十六節 雅各伯獻饌迎祥

雅各伯既承母命。獻美饌於依撒厄曰。吾父。請享吾饌。依撒厄曰。吾子來。我撫你。雅各伯行近膝前。依撒厄撫之曰。其聲則雅各伯之聲。其手乃厄撒烏之手也。遂享之。享畢。以口親雅各伯云。飶哉吾兒之香。如茂林之繁花。祝曰。天主降福於你。將爲衆昆弟之主。且你母之後裔。皆應拜你爲主矣。

## 第三十七節 厄撒烏獵回求福



依撒厄祝福於雅各伯。滿意以爲長子也。迨雅各伯既退。厄撒烏隨進。依撒厄訝曰。適獻饌者非汝耶。我已享之。而祝福於彼矣。厄撒烏聞言大怒。震聲滿屋。

第三十八節 雅各伯潛避除凶

厄撒烏深恨弟之奪其福也。將殺之。力竟加知之。謂雅各伯曰。我所愛之子。急往母舅辣邦之家。以避其怒。雅各伯遂拜別父母而行。至半途。疲倦欲寐。乃取石作枕。姑小憩焉。

第三十九節 雅各伯夢裏承恩

雅各伯得一夢。見有長梯。自天至地。無數天神。或乘梯而上。或沿梯而下。又聞天主謂已曰。我是你父之天主。我將降福於你。你不必憂。你所臥之地。我



將與你及你子孫。凡你往來所經。我護守你。我不久帶你回原籍。因你之故。我并降福於普天下之人矣。雅各伯既醒。叩謝主恩。

第四十節 雅各伯途中問舅

雅各伯連日跋涉。至未發坡達未亞之地。見羊三羣。依井而睡。并有石蓋。雅各伯問牧童曰。你何方人。答曰。下欄城之人。又問識辣邦否。答曰。識。又問辣邦安否。答曰。安。因指一處子。謂雅各伯曰。彼卽辣邦之女。名辣格者也。

第四十一節 雅各伯因親結親

雅各伯聞牧童之言。知離辣邦之家不遠。見處子驅羊來近。將有飲池之勢。卽去井石。以便其汲。復自言爲力覓加之子。辣格歸告其父。辣邦曰。吾甥也。許以女妻之。



第四十二節 雅各伯爲弟盡弟

雅各伯在辣邦之家。十有餘年。生財致富。天主默示。令其回籍。於是先遣數人。送款於兄。以釋前嫌。蓋慮其藏怒而宿怨也。豈知厄撒烏日久心忘。毫無積恨。一聞弟至。先路而俟。既見甚喜。以口親之。均下淚焉。

第四十三節 若瑟見妬於兄

雅各伯生十二子。長子呂明。其十一子卽若瑟也。產於暮年。鍾愛特甚。衣以繡服。諸子妬之。其招妬也有二。一因父母溺愛。一因若瑟自述其夢。謂將來居衆人之上。由是諸兄。頓生嫌隙。不與之言。

第四十四節 若瑟自述其夢

初若瑟夜夢。割麥於田。兄弟咸在。各束其麥。若瑟之麥。獨立中央。兄弟之麥



環而拜之。又夢日月與星朝己而拜。計星之數十有一。於是詳述所夢。兄弟聞而誚之曰。汝夢何意。豈汝將爲王。我們要受汝管轄耶。此妬忌之所由起也。

第四十五節 衆兄謀殺若瑟

一日見兄弟出外牧羊。若瑟在家。雅各伯曰。汝可看他們安否。若瑟承命而往。衆望見若瑟。會議曰。此是發夢之人。該殺而投諸井中。倘後來父母問及。但云彼爲惡獸所噬。則彼之夢。有何驗耶。

第四十六節 長兄情援若瑟

長兄呂明惡衆弟之謀。恐若瑟不免。乃給之曰。慎毋殺彼。彼亦兄弟。但投諸無水之井。待其自斃可耳。在呂明之意。以爲如此。則俟衆弟不在。自能救若



瑟而還父母也。衆聽呂明之言，果不殺。

第四十七節 一弟爲衆兄所賣

維時衆議既定。若瑟不知。怡怡然來。衆奪其衣，驅入井中。乃列坐而餐。適有商人以駱駝負載貨物，因回厄日多國，道經於此。僉曰：盍將若瑟遠賣於他，以滅其迹。遂與商人說合，得價銀二十元。商人帶若瑟而去。

第四十八節 慈父爲衆子所瞞

若瑟既去，衆轉生別計。殺一羊，取血以染所奪之衣，遣人送於其父曰：我們拾得此衣，你試看是你子之衣否。雅各伯認得，大呼曰：此正是吾子若瑟之衣。豈有惡獸將彼吞噬耶。言訖，大慟，自裂其衣，而穿苦服。衆子歸，勸其不必傷心。雅各伯難以割愛，矢之曰：我今必受苦至死矣。將來與若瑟同入墓焉。



## 第四十九節 若瑟因辱得榮

商人既回厄日多國。有土人名布弟法。與商人轉買若瑟。天主因若瑟而降福於布弟法。令其凡有所謀。莫不適願。布弟法喜甚。由是事無大小。悉委若瑟代其管理。若瑟亦兢兢業業以求稱職焉。

## 第五十節 若瑟被誣受執

若瑟貌美。布弟法之妻。每欲誘其犯罪。若瑟不從。一日緊牽若瑟之衣。若瑟卸衣得脫。此婦不能遂願。忿恨之甚。呼役人往訴於夫。誣若瑟以不端之事。布弟法誤信其妻之言。執若瑟而囚之。

## 第五十一節 兩犯官有夢難明

先若瑟而囚者。有法辣杭之犯官二員。一司食官。一司酒官。維時天主聖意。



各令其夜得一夢。至曉互相告語。心內不安。憂形於色。若瑟覺而問之。答曰。我兩人各得一夢。現被囚禁。欲解夢中之意。實難其人也。若瑟曰。惟天主能先知後來之事。子盍爲我言之。

第五十二節 司酒官有夢誠告

司酒官言於若瑟曰。我夢在葡萄林。見有樹三株。漸而發蘆開花。漸而結菓成熟。我摘此菓。手擎其酒於御杯中。而進於王。不知休咎若何。若瑟曰。毋畏。過三日王必釋你。而復原職。但我今旣爲你解夢。後來你勿忘我可也。

第五十三節 司食官有夢偏凶

司食官亦告其夢曰。我夢首戴三籃。籃有麵餅。羣鳥環而啄之。若瑟曰。此事較顯。後來之應亦是如此。三籃者三日也。過三日王必斬汝之首。將汝尸懸



於高竿。羣鳥食汝之肉矣。

第五十四節 兩犯官有夢皆驗

自解夢後。越三日國王生辰。設宴慶賀。忽憶兩犯官在牢。乃命人放出司酒官。復其原職。惟司食官。立即正法。將其尸懸於高竿。似此光景。正合若瑟所解之意。夫何司酒官。此時不念若瑟勿忘我之言也。

第五十五節 國王得夢於尼羅

越二年。王亦得夢。見在尼羅河名河內。有七肥牛突水而出。嚙草於河之濱。七瘦牛逐肥者而食之。既醒復睡。又夢禾生七穗。秀而多實。七稿禾。毀秀者而滅之。

第五十六節 司酒官明薦乎若瑟



王得此夢。心內不安。明日遍召羣臣及方士。告以夢中所見。命決其休咎。皆茫然不知何解。司酒官忽憶前事。謂王曰。臣曩者待罪囹圄。亦有夢焉。當時牢內有黑必利國人。名若瑟者。解夢詳明。後來符合。何不召出而問之乎。

第五十七節 若瑟解王夢如神

王召若瑟以夢告之。若瑟曰。此兩夢表一事。亦甚易明。七肥牛及禾生七穗者。指七年豐熟也。七瘦牛及七稿禾者。指豐熟後又有七年饑饉也。王宜遣聰明才智之士。收七年豐熟之穀一分。預儲於倉中。以備後七年饑饉之用。

第五十八節 若瑟秉國成總管

王聞若瑟之言甚喜。謂若瑟曰。厄日多國之人。有才能勝於汝者乎。無有也。惟汝當巨任。我今將國中事務。盡付於汝。言畢脫自己所佩之戒指。約於若



瑟指內。又賜以錦繡之衣。加以金寶之頸圈。置若瑟於御車之第二座焉。時若瑟年已三十矣。

第五十九節 厄日多備濟貧民

若瑟既承王命。又值豐年。於是遍歷厄日多國。廣收穀米。七年之後。饑饉頻仍。天下之人。半爲饑殍。本國之衆。糧亦不敷。羣至王前求食。王悉命往見若瑟。若瑟乃大開倉廩。賜給厄日多國之人。

第六十節 雅各伯愛憐少子

是時各國無糧。俱至厄日多國買穀。雅各伯亦命其子前往。獨留少子明雅名在家。免其跋涉辛苦也。明雅名係若瑟同胞之弟。故雅各伯愛之。勝於他子。



第六十一節 若瑟反詰得情

當時若瑟威權甚重。眾兄不知。到厄日多國。怎料總管者是他。故一見若瑟。即俯伏於其前。而若瑟固自認得。又未便即時說明。乃佯作不相識之人。問之曰。你們從何處來。答曰。從加那汗來。又問來此何事。答曰。買穀。若瑟曰。不然。你們定是奸細。欲窺探我國情形。看某處兵少。某處易攻耳。十兄答曰。并無此歹意。實係買穀。蓋我們兄弟十二人。至少者父留在家。更有一人。已不在矣。

第六十二節 若瑟留人爲質

若瑟知明雅名未來。心中掛慮。留人爲質。因問少弟何名。答曰。明雅名。若瑟曰。你們所講之話。不知真否。須留一人爲質。其餘先帶米粟回家。再攜少弟



到此方足取信。是時十兄私相告語曰：「這個光景，凶多吉少。想我們受苦，亦是公義。因我們喪良心待兄弟，所以今日受此罪罰。是時若瑟用譯人傳話，十兄所言，以爲若瑟不懂。豈謂若瑟一聞了，心大不忍，卽出而流淚焉。」

第六十三節 西默盎羈留他國

若瑟命人以穀與兄，又命將帶來之銀，暗置穀囊中，另與之糧，以備路費。獨留西默盎爲質。餘皆遣去。衆亦拜別而行。既至家，以所歷之情事，盡訴於雅各伯。乃解囊出穀，忽見原銀尙在，心中驚疑，不知其故。

第六十四節 雅各伯責罵諸兒

雅各伯聞厄日多國之總管要見明雅名，憤懣自恨，罵其子曰：「你們累我無子矣。昔者若瑟枉死，今者西默盎爲質，繼又要明雅名同去，種種艱難，盡歸



於我萬一明雅名於路上有失。我命不得生。我必因彼抱恨而死。我安肯捨此明雅名耶。

第六十五節 雅各伯兩番乞糴

未幾糧食已盡。雅各伯囑其子再往求糴。其子曰。父親不許明雅名同去。是違總管之命。兒輩不敢復見總管而求糴矣。雅各伯曰。都係你們作弊。爲甚麼說出家中尚有少弟。其子曰。總管詰問我們父親在否。有別兄弟否。我們只得據實以告。初不料其要見明雅名也。

第六十六節 雅各伯少子同行

茹達稟於雅各伯曰。爲今之計。父親交此少子與我。我能保護他同去同回。倘不踐言。罪卽歸我。前者若准明雅名同往。則已回來許久。不至今日多一



番躊躇矣。雅各伯聞茹達之言。乃曰無可奈何。買糧要緊。我准明雅名與你們同去便了。但須要送禮物於總管。并多帶銀兩。因前次帶回囊中之銀。恐有錯悞。而前數未繳也。

第六十七節 若瑟具宴款兄

昆弟躡程。已到彼界。若瑟聞衆兄再來。携有少弟。遂命役人帶其入室。設一盛筵以待。是時衆人心內暗驚。急告司事曰。我們曾來過一次。回家後。見囊中有買穀之銀尚在。未卜何由。今仍將此銀送來。以求明白。司事曰。你們不必憂。總管自有調停。乃釋西默盎與兄弟同寓焉。

第六十八節 若瑟喜極悲生

若瑟入兄弟所寓之室。兄弟見之。卽叩首而拜奉獻禮物。若瑟善待之。問曰。



你們之父生否。答曰。生而安。又指明雅名問衆兄曰。此是你們之弟否。是前日你父留在家之人麼。答曰。然。又謂明雅名曰。小子。我求天主降福於你。言畢。急出。因喜極生悲。目將流淚故也。

第六十九節 若瑟設計留弟

若瑟含淚。不欲爲兄弟所見。故出。抑又不忍相離。乃壓住惻隱之愛情。再入寓所。陳所設之宴。分餐於兄弟。而明雅名獨多五倍。宴畢。命司事貯穀於囊。仍將帶來銀暗藏穀內。且以銀杯另置於明雅名囊中。於是分授衆人而去。

第七十節 司事奉命追人

兄弟既去。離城不遠。若瑟乃授詞於司事曰。你急追趕各人。問他們爲何受恩不報。反盜我主所用之銀杯。犯如此之大罪云云。司事領命疾行趕上。大



罵各人爲盜。做此犯法之事。大不合理。

第七十一節 兄弟沿途墮計

衆人方行之際。忽聞司事之言。愕然大驚。卽回答曰。我們並無偷盜事。卽如前次悞帶之銀。尙且携回。不敢隱瞞。更何敢盜你主之銀杯乎。若我們兄弟有冒犯者。一經查出。聽你審斷。治罪。言訖。放下穀囊。任其搜檢。遂顯出贓物。彼兄弟誠不料明雅名囊中。真有銀杯在也。

第七十二節 兄弟請罪贖辜

是時贓物既獲。各兄弟面面相覷。無言可解。極悶極憂。卽奔回城中。於若瑟足下。俯伏請罪。若瑟曰。你們爲何犯此大罪。茹達對曰。事既如此。更有何話推諉。然亦不敢求你寬免。今我們衆人。願爲你僕。以贖此罪。若瑟曰。不必。但



在某人囊中檢出。卽留某人爲僕。其餘回家見父可也。

第七十三節 茹達求代弟爲奴

茹達恐明雅名不得脫身。近前俯伏曰。吾主切懇平心。聽我所稟。我父一生最重視此子。原不肯令他來。因我願保護他。方得準許。倘今日歸家。不得與之同回。我父必心痛而死矣。哀求你格外施恩。寬免此子。我願代他爲僕。所應之罰。我代受之。

第七十四節 若瑟不藏怒宿怨

若瑟聞茹達哀懇之言。難忍一己之愛德。急命司事役人等迴避。涕淚交流。大聲謂兄弟曰。我本若瑟。你們尙記憶否。我之父安樂否。兄弟怎聞此言。驚惶失措。不知所以。若瑟遂以善言慰之曰。我是你們之兄弟。曩者賣我於厄



日多國之商人。今得團圓復聚。何幸如之。我斷不念舊惡。你亦不必憂疑。此是天主聖意。不如此。又何能安排你們之生命耶。

第七十五節 若瑟命迎父母

若瑟既與兄弟相認。乃口親其弟明雅名。淚滴明雅名之面。又遍親其兄。是時兄弟驚定而喜。與若瑟敘談往事。若瑟曰。你們急回家。稟知父親。謂若瑟尚生。現在法辣杭國王處。授總管之職。并勸父親一家同來厄日多國。

第七十六節 國王厚饒往來

國王聞若瑟之兄弟已來。又將回去。卽送禮物於雅各伯。面諭衆人曰。你們可迎親父及一家來此。所有路上需費。我命人供給。自今以後。厄日多國之財帛。任由你們享用。又須多帶馬車。以便老幼婦人乘駕。毋令其跋涉艱辛。



也。

第七十七節 雅各伯喜若瑟尙生

維時衆人既感若瑟之言。又承國王恩命。急回家稟於其父曰。若瑟尙生。現爲厄日多國之總管。雅各伯乍聞此報。如熟睡中。忽被驚醒。不勝疑怪。及見國王并若瑟所送之禮物。又有馬車。心始驚定。乃曰。倘我之若瑟尙生。我心無憾。自必往厄日多國。趁我未死。得見其一面。誠厚幸也。

第七十八節 雅各伯與若瑟復聚

雅各伯率其子若孫。同往厄日多國。將到境內。命茹達先報於若瑟。謂父親已來。若瑟卽往迎接。既見喜極。急抱其父。流淚不止。雅各伯亦下淚。謂若瑟曰。我之生命既足。雖死亦無所恨。今得見你一面。我但願留你在世。而我先



死矣。

第七十九節 雅各伯闔家得所

若瑟入見於王。報說父親已至。又偕兄弟五人而朝。王曰。你們作何工藝。對曰。牧羊。王乃顧謂若瑟曰。厄日多國係你總管。小心安置父兄。勿令失所。倘伊等有更善牧羊者。則着其牧我之羊。

第八十節 雅各伯上壽蒙休

若瑟引父親拜見國王。王曰。汝壽幾何。雅各伯曰。我在世已一百三十年。然尚不及我祖之老。拜畢而出。若瑟乃安置父兄於厄日多國之樂土。凡一切應用什物俱備。

第八十一節 若瑟承父臨終遺囑



雅各伯在厄日多國十七年。終期既至。謂若瑟曰。我死之後。勿葬我於此都。要葬我於祖父之墓。若瑟曰。我父遺命。豈敢忘之。雅各伯曰。你真愛我。須發誓以表孝思。若瑟乃發誓而慰父心。

第八十二節

若瑟求父降福兩兒

若瑟生二子。一日引至雅各伯面前。求其降福。長子名瑪納心。在右。次子名厄發。依夢在左。雅各伯乃按手之右於厄發。依夢。按手之左於瑪納心。若瑟不喜。求父轉手。雅各伯曰。吾豈不知此爲長子。彼爲次子乎。所以如此者。別有緣故。乃列其次子在先。長子在後。

第八十三節

衆子得父加福

雅各伯既降福於若瑟二子。後乃召齊已子。一一而降福之。且預告各人以



將來之事。又降福到茹達。其言愈深愈奧。且云茹達也。你祖後裔。亦如獅子伏地敬拜你。以至萬民所望。救世主降生之日。而勢位亦不離你之家。蓋聖祖將終之時。預言救世主由茹達之後而生。且明言茹達之家。失國權後。卽降生之期也。一時渴望嘆云。吾主我切冀你救世者。言畢而逝。

## 第八十四節

若瑟葬父盡誠

雅各伯既死。若瑟跪於屍前。痛哭流淚。以口親之。命醫士用藥傅其屍。使不腐爛。乃遵遺命。昇回加那汗之地。盛設祭禮。而葬於亞巴浪及依撒厄之墓。葬畢。率其兄弟。仍回厄日多國。

## 第八十五節

兄弟恐若瑟遺恨

是時各兄弟心驚。恐若瑟懷恨。不免責罰。乃令一人至若瑟前謂之曰。我們



因父命而有今日。求你勿記前非。寬恕我等。若瑟曰。不必多憂。雖你們得罪於我。天主實因此過惡。而變爲善事。嗣後我養你們。毋庸他適也。然尙恐其疑。又屢屢以好言撫慰之。

第八十六節 兄弟依若瑟遺言

若瑟在世百有十年。自知將死。囑其兄弟曰。我不久臨終。天主親近你們。時常相助於你。日後天主指引你離厄日多國。回曩者天主所許與我祖父之地。我今求你們。將來携我骸骨回本鄉。語畢。安然而逝。兄弟乃用香藥盛殮其尸於柩中。

第八十七節 若伯有愛主熱情

烏士之地。有一人名若伯。家巨富。多畜奴婢。牛羊驢馬之類。更不可勝數。其



兒女。每日互相請宴。若伯但求天主保佑。令他們勿因宴樂而犯罪。真寡過盛德之士也。魔甚妬之。求天主准他試煉若伯。以驗其德之真偽。天主允所求。魔乃大肆陵虐。

第八十八節 若伯被狂魔毒害

一日有人報于若伯曰。沙卑及加爾的之人。將汝驢牛犬馬駱駝。盡行劫去。殺汝奴僕。獨留我來報。一日又報曰。天忽降火。燒汝羊羣及牧夫。言未畢。又報云。某日汝之兒女。共食于長子之家。忽起暴風吹跌此屋。所有兒女。盡被壓死。不特此也。魔又致其遍身損爛。痛楚難堪。惟自坐于污穢之場。祇以片瓦刮其膿血。

第八十九節 若伯樂受世艱



若伯當此艱難。惟愈謙遜聽命。不出一言。嘗云。吾主賞賜。吾主收回。願吾主聖名讚頌於世而已。其妻不堪憂苦。反責其愚。若伯曰。汝真無見識之婦人矣。天主賜我福。我樂受之。賜我苦。我獨不樂受乎。試味其忍耐世苦之言。真無微過之可尋者也。

第九十節 三友嚴責若伯

若伯三友聞若伯之有此異災也。同來問候。既見不發一言。但坐於若伯之旁。深訝其所受之苦。越七日嚴責若伯曰。你必犯大罪。不然。天主必不降此重罰也。

第九十一節 若伯善於答友

若伯曰。天主非惟降罰罪人。且試煉善人。以觀其信德之真否。蓋若伯之意。



雖謂在憂患之中。仍望日後肉身復活。可以自慰。故常自言曰。救贖我者。常活。必復活我於窮盡之時。依舊合回我之肉軀。親眼見天主。此望德常懷於我心者也。

第九十二節 天主重於酬功

天主深喜若伯之忍耐。將賞其功。深惡三友之妄責。不恕其罪。曰。除是若伯代求。則赦之耳。後天主果因若伯之愛德。而竟赦之。爰賜若伯病愈。復其富厚。更倍於前。又賜三女七男。牛羊驢馬之屬無算。增壽一百四十年。四代相見。世福已滿。安然而逝。

第九十三節 黑必利塞遇風波

雅各伯之子孫。總名黑必利。日漸繁衍。厄日多國之人。望而生駭。是時新君



卽位。不會見若瑟。竟忘若瑟之功。又欲掣肘黑必利之人。先命其擔當勞苦工夫。後出苛令云。若有初產嬰兒。必要放在河中淹死。

第九十四節

黑必利誕生神聖時。天主造天地後二千四百三十三年降生前一千五百七十一年。

時有黑必利之婦。生一子。貌甚美。欲保全之。已暗藏於家三月。誠恐日久事洩。不敢復匿。爰取小籬塗以油灰。置此子於籬中。放在河邊竹林內。命其少女守候之。

第九十五節

公主義全梅瑟

未幾法辣杭之公主。到河邊沐浴。見竹林內有小籬。命侍婢取視之。有嬰兒在籬內啼哭。遂動其不忍之心。自忖曰。此兒必是黑必利人之子矣。少女觀其有欲救之狀。前告公主曰。肯請乳母撫之乎。我則喚來。公主領之喚至。公



主以嬰兒付之。并許賞給財帛。其母領回哺養。及長。仍歸於公主。公主收爲義兒。命名梅瑟。殆解說在水救來者。

第九十六節 梅瑟脫救宗親

梅瑟聽順天主命。到法辣杭國王前。使其准黑必利之人離國。王竟輕慢天主。不肯遵命。梅瑟又多顯聖蹟。欲轉王心。王仍庸罔念聞。天主乃罰其長子。及國人之長子俱死。王始悔悟。乃准黑必利之人。盡族離厄日多而去。

第九十七節 合族蒙主引路

黑必利之人。除童穉婦女外。約六十萬。蜂擁而行。既出厄日多國之境。忽見空中有柱前導。此柱日則雲。夜則光。四十年之久。無時不見。殆引到洪海。衆人權在海邊歇宿焉。



第九十八節 梅瑟劃水分途

國王知數十萬衆已去。心中忿恨。發兵追之。黑必利之人。望見後面塵頭四起。想必追拿我們。此時進退無路。驚懼之甚。天主謂梅瑟曰。你可伸右手。向海分開此水。成一陸路。以便黑必利人走過焉。

第九十九節 黑必利人絕處逢生

梅瑟遵命。伸手向海。海水卽分兩邊。聳立與牆無異。又發大風吹乾其路。黑必利之人盡入海中。腳踏實地而去。國王趕至。見如此情形。亦統兵追躡而入。

第一百節 法辣杭兵淹盡無餘

厄日多國之人。入到海中。天主覆其馬車。墜其馬兵。國王恐懼。急欲回身。梅



瑟又遵天主命。再伸右手向海。海水復合。追兵盡被淹死。無一生還本國。此事之流傳。乃天主免黑必利人在厄日多國爲辛苦奴僕。而特救之也。

第一百零一節 天主療飢解渴

黑必利之人。已過洪海。日在曠野。毫無飲食。天主養之。四十年之久。每日從天降下一糧。名瑪納。味甚甘飴。如蜂糖和麵。以療其飢。梅瑟又因天主全能。以竹竿擊一大石。湧出泉水。清冽異常。以解其渴。

第一百零二節

天主十誠肇端時。天主造天地後二千年。五百十四年降生前一千四百九十年。

黑必利之人。離厄日多國。已有三月。後到西乃山。天主欲將十誠傳諭於人。遂乃雷電交作。黑雲滿布。黑煙四起。不見山頂。惟聞奏樂洪音。其時衆人立在山脚。驚異之甚。又聞天主於山上發言。聲從雲中而出。與電光雷响無先。



後焉。

第一百零三節 天主傳諭誠規

天主申明十誠之大意。乃自言曰。我是天主。我救你們。免爲厄日多國之奴僕。你們不得拜別主。我是獨一之天主。我之外更無眞主。你無緣故。不許妄呼天主聖名。主日不得造作百工。該孝敬父母。不殺人。不行邪淫。不偷盜。不妄證於人。不貪別人之財物。

第一百零四節 梅瑟造櫃棄世

梅瑟遵天主命。作一帳房。外用牛皮。內用錦布。另造一櫃。櫃名結約。以金鑲之。藏天主勒石之十誠於內。梅瑟才德兼優。而行年已老。不久便死。其終時離到天主所許之地不遠。黑必利人守孝三十日。若蘇承梅瑟之遺命。而踐



其位。

第一百零五節 若蘇憑櫃過河

黑必利之人將到天主所許之地。欲過若而當河。無船可渡。河水頗深。徒涉則有滅頂之凶。正躊躇間。若蘇命數人先扛結約之櫃。餘衆跟隨。櫃到河邊。水勢分開。上流者轉逆而上。下流者急趨而下。中成一乾路。蓋明示天主相助之意。

第一百零六節 若蘇立石記蹟

維時衆人入河。如履平地。穩登彼岸。若蘇命人在河底扛大石十二塊。堆在河邊。謂衆人曰。若後來你們子孫。問此石之緣故。但云。祖父過河。無船可渡。幸蒙主佑。分水爲陸。可也。特留憑據。永顯天主全能。



第一百零七節 若蘇傾城用櫃

有一城名熱里哥。堅固特甚。中有數塔。設重兵鎮守。無人敢攻。若蘇倚賴天主。不用兵力。但命古教鐸德。奏樂先行。擡結約之櫃。繞城而過。環經七次。塔自崩摧。城自傾跌。遂毀滅。

第一百零八節 若蘇止日鏖兵

加那汗數王。調兵攻打黑必利。天主謂若蘇曰。毋畏敵人。你將勝之。俄而天降大雹。仇被壓死者甚衆。若蘇乘勢急攻。敵人驚走。是時天色將晚。遂命太陽。即時止舍。以待戰畢。讀史者。可自想此日之長焉。

第一百零九節 若蘇得地安民

若蘇既勝。遂安置黑必利人在天主所許之地。將所得巴力土地。納之田土。



城池分與各支派。若蘇既死。其大權歸於判官。判官之相繼最著者。有熱德  
央。三松。沙母厄。三人。後來黑必利民衆。卽其行實。以驗其盛衰。其多次得罪  
天主。天主不相助。必被仇人戰敗。其多次痛悔。天主亦寬免而救之。

第一百零十節 天主遣神命將

黑必利因受馬理亞尼之風波。求天主相助。天主許之。命天神謂熱德央曰。  
你是最有韜畧之人。天主與你相偕。熱德央曰。天主既與我相偕。爲何我受  
此風波之苦。天神曰。你放心。你將救黑必利之人。免其爲馬理亞尼之奴僕  
者也。始而熱德央自顧。不敢當此大事。及見天主兩次顯聖蹟。然後心志堅  
定。順命行之。

第一百十一節 天主命熱德央滅兵



熱德央領兵三萬二千。將近仇人軍內。乃掘坑築牆。以防衝突。是時馬理亞尼統兵甚衆。又有亞馬力西國王相助。聲勢大張。天主謂熱德央曰。兵不貴多。但留三百人足矣。後來熱德央取勝。固知不是自己力量。乃天主之全能也。

第一百十二節

天主許熱德央殺賊

熱德央將三百人。分爲三隊。每人授一樂器。一坭磚。磚內藏火。安排停當。至夜半入仇人之營。大吹樂器。打破坭磚。馬理亞尼軍士。既聞樂响。又見火光。心驚尋路而走。昏夜之際。自相攻擊。死者甚衆。熱德央追拿兩王。擒而殺之。

第一百十三節

三松生有絕力

黑必利之人。後爲斐里思丁所逼。備嘗艱苦。特恨三松。未生不能卽爲之復



仇耳。何者。三松之母。多年不育。天主命天神謂之曰。將來你產一子。以救本族之人。免受斐里思丁陵辱。既產。命名三松。及長。不剪髮。不飲葡萄酒。力大無比。一日見一獅子。迎面而來。以手擊殺之。

第一百十四節 三松計畫仇人

三松履害斐里思丁之人。一日捉狐狸三百隻。用火炬繫其尾。驅入仇人之田。是時禾稼將熟。容易焚燬。又燒葡萄林。及阿里雅樹。更有別樣禍害之舉。後來本族人。拿解三松於斐里思丁處。至半途。三松扭斷鐵鍊。恨空拳難以用武。路旁有死驢腮骨。執持在手。打死斐里思丁一千人。

第一百十五節 三松負城門以出險

一日三松入斐里思丁城歇宿。仇人喜有機會可乘。即緊閉城門。不許出入。



通夜在暗處默伺。謀欲殺之。三松睡醒。乃負城門而去。置於鄰山之頂。

第一百十六節 三松脫頂髮而受擒

斐里思丁之人欲害三松。乃賄囑其妻以圖之。妻既得賄。遂探其夫曰。你因何有此絕力。三松告以力生於髮。妻乘其熟睡。而潛薙之。卽網送於斐里思丁處。仇乃先挖其目。伏其手足而囚之。三松雖受拘禁。不久髮漸長。力漸回。爰懷雪恨之心。

第一百十七節 三千人死於兩柱

斐里思丁之人。每於慶賀占禮之日。將三松放出。雜在稠人中。而戲弄之。一日多設筵席。官民同慶。聚於一堂。堂倚二柱。不勝巨大。命置三松於二柱之間。相與訕笑之。三松乘此機會。兩手擊柱。柱仆堂傾。壓死三千人。三松亦不



免於死。而仇亦報矣。

第一百十八節 沙母厄幼歸總鐸

厄利任總鐸德時。沙母厄誕生。其母將他携至總鐸德處。而獻於天主。欲其在此爲副祭。沙母厄既長。心性平和。人品絕妙。天主及世人俱愛之。惟厄利之子不肖。誘人不敬天主。厄利又不嚴責之。將安免天主義怒耶。

第一百十九節 沙母厄頻聞主喚

一夜厄利已睡。天主喚沙母厄。沙母厄以爲厄利之喚已也。起而應之曰。我在此。厄利曰。何爲。我未嘗喚你。你去睡回。如是者三次。厄利因謂沙母厄曰。倘你再聞喚聲。該答曰。吾主求你分付我。我是你之奴僕。我恭聽你所言云云。是時天主謂沙母厄曰。我將降災難於厄利矣。此災難至大。人不堪聞。若



一聞之。耳即驚鳴。不止。緣厄利太過容縱其子。總不摘其毛病之故。

第一百二十節 沙母厄代達主言

明日昧爽。沙母厄早起啟門。究不敢達天主之言於厄利。厄利諭之曰。我求你。我重求你。將你所聞之事。轉述於我。勿隱瞞我。沙母厄順命。遂明告以天主所講之言。厄利曰。天主是大主宰。任由天主聖意。

第一百二十一節 黑必利因逆僑失助

斐里思丁與黑必利交戰。黑必利之人。扛結約之櫃於戰場。以爲必勝。乃厄利之子隨之。早爲天主所惡。此時結約之櫃。不但不相助。及加害焉。黑必利既敗。厄利之子陣亡。結約之櫃。遂爲仇人所得。厄利驚聞此大變。仰仆破腦而死。



## 第一百二十二節 沙母厄立撒烏爲王

沙母厄是黑必利最後之判官。處事明決。是時國人和睦。境內平安。但行年將老。子又不肖。莫能繼志。述事。百姓好創奇異。勸沙母厄另立一人爲王。沙母厄不喜。諭黑必利人勿懷此意。百姓堅執不從。沙母厄蒙天主默啓。允衆所求。乃祝聖立撒烏。撒烏身長貌美。有國王之規模焉。

## 第一百二十三節 沙母厄限期開仗

斐里思丁之人。猝犯入黑必利之境。撒烏急往瓦瓦辣城堵禦。沙母厄命七日內不得開仗。俟我先來祭獻天主。方准交兵。至第七日。百姓不能忍耐。撒烏乃代沙母厄祭獻。祭畢。沙母厄始至。責撒烏不遵號令。僭越鐸德之權。

## 第一百二十四節 若那打轉敗爲功



兩軍交戰。黑必利將敗。撒烏之子若那打有胆勇。率一役。猝入敵營。殺人二十。敵衆驚潰。失伍。撒烏督兵衝殺。反敗爲勝。

第一百二十五節

撒烏嚴令飭軍

撒烏當追奔逐北之時。發令曰。未能滅迹掃塵。三軍不得飲食。違令者斬。是時若那打不在。未知其父之有是命也。偶值兵過樹林。林有野蜜。以鞭挑糖食之。其父欲置於法。衆軍因其適爾之愆。又多立戰功。不忍其死。爲之求免。撒烏乃法外赦之。

第一百二十六節

撒烏逆命取財。天主棄之。立達未爲王時。造天地後二千九百三十四年。降生前一千零七十年。

撒烏初順主命。與亞馬力西打仗。勝敵擒王。後犯大過。得罪天主。因天主命其勿取仇人之財。撒烏乘勝任意取之。爲天主所惡。乃選達未代撒烏爲王。



時達末年尚少。係茹達支派人。天主命沙母厄祝聖立之。

第一百二十七節 聖達未應召入朝

撒烏逆命之後。魔附其身。每日坐臥不安。與失顛人無異。朝廷各官勸其聘一鼓琴者。以解其憂。達未素工此技。乃承召入朝爲輔。每值魔魅撒烏之時。達未急鼓琴。而撒烏之顛頓息。

第一百二十八節 俄利押突營挑戰

未幾撒烏與斐里思丁之人再戰。兩軍相對。斐里思丁有一人名俄利押。身材修偉。頭戴銅盔。身穿連環銅甲。足纏軟鋼套子。手執護身銅牌。突來挑戰。撒烏出令。有能勝彼而奪其器械者。重賞之外。以女妻之。軍中無一人敢出。俄利押辱罵而去。



第一百二十九節 達未挺身欲鬪

達未因衆軍怯敵。大失體面。憤激而起。願與俄利押相鬪。撒烏止之曰。你年少。彼勇甚。誠非敵手。焉能取勝。達未曰。我王不用憂。我在家牧羊時。有一獅子驟入羊羣。攫一羊而去。我追殺之。向其喉中拔出羊來。又一次。殺一熊。天主既保佑我。能敵禽獸。獨不保佑我鬪此一將乎。撒烏曰。你有此信德。任你去。望天主相助於你。

第一百三十節 達未備敵有方

撒烏以己之軍裝。爲達未結束。將盔戴頭上。甲披身外。刀佩腰間。乃達未不慣如此裝整。頗嫌局促。因此不用。獨用平日牧羊之棍。飛鉞一個。石五塊。挺身而出。直趨俄利押之前。



## 第一百三十一節 達未飛鉞殺敵

兩人將近交鬪。俄利押見達未年少。罵曰。你太輕敵。比我是犬。獨持一棍來戰耶。達未曰。你用劍用斧用盔甲。我獨因天主聖名而來。你敢欺藐我乎。即用飛鉞打一石去。擊中其額。俄利押立仆在地。達未急抽劍梟其首。衆軍心驚走散。黑必利遂大勝。

## 第一百三十二節 達未奏凱入城

達未得勝而回。黑必利人甚喜。率衆迎接。送其入城。是時婦人孺子俱出。相與鼓樂而讚美之。撒烏心生嫉妬。視達未如陌路之人。若那打獨與其父不同。愛達未之奮勇。特送箭袋弓劍以獎之。

## 第一百三十三節 撒烏欲背前盟



撒烏前曾許以女妻得勝者。既而悔之。命達未殺敵一百。方准結婚。以其年  
輕膽大。意其易於失手也。豈知達未勇甚。殺敵且至二百。獨來獨往。毫無損  
傷。此時尚有何說。遂得撒烏之女爲配焉。

第一百三十四節

撒烏屢施毒計

撒烏深妬達未。謀欲殺之。初則暗置於死。後乃明欲其死。以鎗刺之。達未急  
閃得免。又命其子若那打行兇。若那打不遵亂命。反勸其父回心轉意。撒烏  
不從。再命役人殺達未於其妻之前。妻知之。急告達未。自窓逃出。終得保其  
首領。

第一百三十五節

達未洞裏怨仇

撒烏仇恨已極。達未知其不可挽回。遂離朝廷。遁於荒野。撒烏知之。卽時追



起。天主聖佑。不令達未遭仇人之手。是時撒烏生命。反在達未掌中。何則。荒野有洞。洞口甚寬。達未與役人隱藏洞內。撒烏後入。不見達未。倦而熟睡。役人勸達未乘此機會殺之。以絕後患。達未不忍曰。姑置之。

## 第一百三十六節

撒烏陣中喪命

撒烏既出洞。不久又與斐里思丁之人對壘。撒烏父子督兵戰敗。三子陣亡。已亦墜馬。恐遭仇人之手。命手下人以戟刺其脇而死。衆人見國王已薨。卽四敗奔走。是役也。斐里思丁大勝。

## 第一百三十七節

達未哭翁愛仇

達未聞撒烏已亡。感激悲憫。不時下淚。又聞死於熱爾波尼山。遂并此山而仇之。有一人自言爲殺撒烏者。將撒烏之盔甲軍器。獻於達未。達未立命殺



之。以其犯上故也。雅白城人。葬撒烏父子之屍。達未重賞之。此是眞愛仇之表。可以風世。

第一百三十八節

達未犯兩大罪

達未既卽王位。犯兩大罪。因濫愛一婦人。名必沙被。遂強姦之。婦之夫名烏利亞。膂力過人。在營中督理軍務。達未偏令其涉險打仗。意欲其戰死也。天主爰命先知聖人警戒達未。謂將來降你災難。皆因此罪之故。

第一百三十九節

先知設喻曉王

先知聖人設喻曰。一城有兩人。彼富者。此貧者。富者多畜牛。及草羊棉羊之羣。貧者止有一羊。係買來的。加意畜之。一日富者烹客。陳設盛筵。竟不殺自己之牛羊。命將窮者之羊烹之。王試審此事。理當如何處斷。



## 第一百四十節 先知明解喻故

達未忿然作色曰。此事不公之極。休論何人。該償羊四隻。以抵所烹之羊。先知聖人明解設喻之故。曰。所謂富人者。就是你也。天主與你許多財帛。立你爲王。救你得免撒烏之害。以享宮室臺榭之榮。爲甚你強奔烏利亞之妻。爲甚你謀殺烏利亞之命。烏利亞爲你打仗。烏利亞有何罪乎。達未聞言。翻然猛省。認己罪而告之。先知曰。天主亦赦你。但你所生之子。殆將死焉。

## 第一百四十一節 達未王死子息淚

達未之子。染重病。達未心苦垂涕。齋尅祈求。至第七日。其子已死。役人不敢告。達未知之。便止淚進食。若不關心者然。役人訝之。達未曰。此子病時。我齋尅祈求。望息天主義怒。今既死。縱流淚亦無所用。豈能得其復生耶。



第一百四十二節 押撒郎謀篡父位

押撒郎達未之子也。招聚匪人謀占父位。達未知之。先離日路撒陵城。殆恐逆子來攻。多用兵火。剽燬城也。時役人不忍捨棄。相隨而去。夫達未既痛死子於前。又避逆子於後。重有所憂。遂上阿里瓦山。赤脚流淚。以布覆其首焉。

第一百四十三節 達未忍辱乞憐

達未未到阿里瓦山。遇着一人。係撒烏之子孫。名色未。惡言大罵。以石來擊。役人不堪。欲斬其首。以報此辱。達未止之曰。任彼罵我。我忍。耐受此艱難。或者天主矜憐。後來還我王位乎。役人順命。乃不復言。然心中終不快也。

第一百四十四節 達未討逆留情

押撒郎知其父已去。乃入日路撒陵。居住數月。達未乘間招兵。將戰。役人勸



其不宜親冒矢石。乃命若押爲兵總督理軍務。而自入附近之城以避。臨行。又囑若押及一衆兵目曰。小心攻戰。勿逼押撒郎太甚。俾得存其生命。

第一百四十五節 押撒郎敗走難脫

兩軍交戰。達未之兵。自蒙天主相助。大獲勝仗。殺敵二萬二千人。押撒郎既敗。騎騾而走。走甚疾。過一大樹旁。樹繞其髮。髮長且密。急不得脫。騾乃狂奔而去。

第一百四十六節 若押軍義誅不孝

有一人見押撒郎懸於樹下。不敢動手。告於若押。若押罵曰。爲何不殺此人。答曰。前者我親聞國王囑你。勿太逼他。故留情耳。若押曰。不孝之人。我不肯姑寬。卽持鎗三枝。刺入押撒郎之胸。將死時。若押役人。復亂刺而斃之。



第一百四十七節 達未痛亡送子

達未繫念其子。又不知勝負何如。乃坐於城邊。以待消息。適有人來報。謂兵已敗。押撒郎已死。達未聞之。不惟不喜。反惹起大苦。轉身而回。繞行廳內。初默然。繼乃自言曰。押撒郎我之子也。我之子押撒郎也。我願代你死矣。又重言曰。我之子押撒郎也。押撒郎我之子也。

第一百四十八節

達未將崩傳位

後來達未與斐里思丁之人戰。多獲勝仗。於是罷兵息民。內外之事。布置停當。百姓安樂。因行年已老。身體衰弱。遂傳位於其子沙羅望。鐸德祝聖而立之。爰囑其子。愛主愛人。善政治國。未幾達未薨矣。此王真有德行。真能悔改者也。所以天主許他後裔。誕生救世主。如前所許於亞當亞巴郎暨茹達者。



## 第一百四十九節 沙羅望求主錫智

天主最愛沙羅望。以其心不許他事。而慕智德也。沙羅望睡熟時。天主顯見謂曰。汝有所求。我卽與之。答曰。僕無所求。但求智德。天主聖意甚喜。以大智之德賦之。且財帛光榮。雖彼所未求。亦莫不備與焉。是所望者少。而所獲者多也。

## 第一百五十節 兩婦人爭子求伸

欲知天主所賜之智德。請看一段至疑難之事。有二婦同居一室。同日各產一子。三日後已死其一。死子之婦。乘生子之母熟睡。將死子之屍。置於生子之母床中。而竊易之。及覺。兩婦爭論。不得明白。遂同訴於沙羅望之前。

## 第一百五十一節 沙羅望片言折獄



沙羅望諭兩婦曰。此兒爲你兩人所爭。是非難辨。當分爲兩段。一人領一段。假母聞言。遵命審斷。真母大呼曰。我王。我求你不可殺此子。我願完全與他。王曰。此事已明。毋庸再訊。不願殺此子者。卽爲其子。願殺此子者。便非其子也。衆人見王如此明決。深嘆其智德之妙。

第一百五十二節

沙羅望建堂藏櫃時。天主造天地三千年降生前一千零四年。

沙羅望在日路撒陵。建一天主堂。至大至妙。四圍鑲金銀寶石。光彩異常。藏結約之櫃於其中。鄰國之王。聞沙羅望之聲名智德。不敢侵犯。沙羅國之王。后欲見沙羅望。乃離本國。而到日路撒陵。是時國家無事。上恬下熙。倉廩實而府庫充。洵可樂也。

第一百五十三節

沙羅望老而邪惑。



沙羅望年已老。乃濫愛異國婦人。而犯邪淫之罪。邪淫與德行。兩不相容。由是失其神智。婦人復誘其行異教之禮規。天主發義怒。謂之曰。將來你子分本國之大權。爲役人所奪。蓋明示以降罰之漸也。其後沙羅望悔改與否。都未可知。由此觀之。修靈之路。真難且狹矣。可不慎哉。

## 第一百五十四節

羅波暗大拂民情

羅波暗卽沙羅望之子。嗣位時。國內將亂。乃無才德。不善爲政。初沙羅望橫征暴斂。百姓難堪。求王畧減。朝中老成人。勸王俯順民情。而少年新進。反聳王以不必減免之論。固知忠言逆耳。諛言易入。羅波暗遂嚴拒百姓曰。我不允你們所求。

## 第一百五十五節

十支派離心解體



是時百姓作亂。十支派之人心。皆背羅波暗。乃另選厄法辣因支派一人。名夜羅波暗者爲王。惟茹達及明雅名二支派。仍從舊君。於是一國兩分。茹達一國。依臘爾一國。四方百姓。平時慣到日路撒陵朝拜。而夜羅波暗不欲其往。遂立異教。使之信邪神。

第一百五十六節

依臘爾背主向邪

當時依臘爾國君民。背逆眞主。染却許多毛病。建造廟宇。奉事邪神。嗎亞爾周圍種以樹木。無罪不犯。觸動天主義怒。但天主想此民係我之民。係愛僕亞巴郎之裔。不忍卽罰。爰命先知者。勸其回頭奉事眞主。彼先知者爲誰。乃厄里亞厄利叟若納等也。

第一百五十七節

厄里亞獨蒙天養



厄里亞想及國王亞甲之醜處。太多且重。於是往責之云。上主今以荒旱降罰於爾國。數年不降露。不下雨。必如我所言。自此日起。絕無望有雨露矣。厄里亞於是退居於加利溪與若而當河對面。天主每日命鴉。早晚送麵包。以充其飢。渴飲溪水。

第一百五十八節 厄里亞處歎而豐

其時天旱水竭。上主命厄里亞往西端省撒肋郡一寡婦之家僑寓。此婦家內一無所有。只有少許粉油。竟足供先知者兩年。并自給無歉。是皆天主默中賙濟之。

第一百五十九節 厄里亞復活孤子

自厄里亞居寡婦家之後。適寡婦之子。因病而死。寡婦悼甚。哀求先知者垂



憐厄里亞接抱入臥房。放於床上。呼號吾主。賜其復活。吾主俯允厄里亞所求。死者果然復活。厄里亞以還其母。

第一百六十節 厄里亞開端悟王

維時饑荒日甚一日。國王亞甲便見厄里亞而責之曰。殘害依臘爾者。因你之故。厄里亞答曰。非我之故。乃汝等逆天主命。而拜邪神嗎亞爾之故。雖然你若荒旱止步。可聚集你之百姓及嗎亞爾之羣僧。於加爾默羅山。俾人人共見。誰所事者為真主。或你等所奉之嗎亞爾。或我們先祖所奉之天主。以決從違。方可望荒旱轉為豐熟也。此議極合王心。

第一百六十一節 厄里亞設法闢邪

當時眾百姓及嗎亞爾之羣僧。都齊集在加爾默羅山。厄里亞謂眾曰。獨我



係天主的先知者。爾等嗎亞爾之僧人。有八百五十之數。你等牽來牛二隻。彼此取一。各宰而置諸薪上。均不燃火。各自祈求。若從天降火。焚其牲者。卽屬眞主也。衆人聞之。皆曰此計甚善。

## 第一百六十二節

嗎亞爾毫無靈驗

嗎亞爾之衆僧。宰牛一隻。碎切之置諸薪上。大聲呼號。自晨至午。漠然無應。厄里亞嗤之云。曷不更高叫乎。你輩之大主嗎亞爾。或往那裡去。與人談論。而不知耶。或旅店飲食。而不暇耶。或路途遙遠。而不能及耶。或睡熟未醒。而不聞耶。衆僧盡力奮呼。且用利刀割損肌膚。流血滿身。以動嗎亞爾之心。然嗎亞爾卒莫之應也。

## 第一百六十三節

行祈禱至誠動天



厄里亞虔立祭臺。整頓柴料。將牛剖開數段。放於薪上。又於祭臺四旁。灌水二次。到祭祀之時。厄里亞俯伏於地祈禱云。亞巴郎及依撒尼雅各伯之天主。今日當明顯爾為依臘爾之天主。我為爾僕役。奉聖旨而行。求主俯聽。垂允。俾人人共知爾係真天主。惟爾能改回人心。已爾禱畢。即時自天降火。焚其犧牲。及所有祭祀之物。俱變為灰燼。

第一百六十四節 戮僧人重新降雨

百姓見如此聖跡。咸伏地歡呼曰。厄里亞之大主。乃為萬物真主哉。厄里亞之大主。誠為萬物真主哉。厄里亞遂命眾人。擒此八百五十僧人。解到西算河濱。盡皆戮之。旋謂王曰。大雨將到矣。請駕速返。以免沾濡之苦。厄里亞自躋加爾默羅山頂。伏地拜主。直至陰雲自海而上。狂風四起。大雨傾盆。然後



歸。

## 第一百六十五節 過河後師徒永訣

嗣後厄里亞行了許多聖跡。天主召其升天。一日與門徒厄利叟同行。至若而當河邊。以所着之衣。擊水。水遂分開。有路可行。二聖步履過之。了無沾濕。厄里亞謂其徒曰。吾今與汝永訣矣。汝欲求何物。吾將與汝。厄利叟對曰。不敢他求。惟懇神師。轉祈天主。俾我如你之聖德。你之聖能。加倍於我。厄里亞曰。你之所求。原非易事。倘我升天之際。你望得見我。則是允你所求矣。

## 第一百六十六節 升天時神衣下降

兩師徒正談論間。忽有火車火馬飛來。將他二人隔開。厄里亞被旋風升上天去。厄利叟以目送之。連聲呼云。吾神父兮。吾神父兮。依臘爾之車兮。依臘



爾之聖駕兮。厄里亞乃將己衣。從空際擲下。給與厄利叟。以示將自己之德能。全付與其徒矣。至是望不見矣。

第一百六十七節 厄利叟先知繼起

厄里亞升天後。厄利叟遂爲依臘爾之大先知者。嘗到若而當河濱。將厄里亞所遺外衣。捲以擊水。罔驗。乃曰。豈非猶是厄里亞之天主乎。再擊之。水遂分爲兩堵。中通一路。厄利叟竟過之。此時另有先知者數十人。遠遠見其聖跡。互相驚曰。厄里亞之聖能。實傳於厄利叟矣。遂伏拜而迎之。大先知之目。良不虛也。

第一百六十八節 厄利叟甘泉留澤

厄利叟往熱里哥城。城中百姓皆來告曰。此城之水。不佳。地甚瘠薄。何以治



之。厄利叟命納鹽於新瓶之中。置在泉水湧出之處。旋將瓶裏鹽傾於水面。因云天主命除水毒。不怕再復傷人。且能潤澤田園矣。自此日起。此水變成佳味。甚裨益人。永無乾涸之患。

第一百六十九節 厄利叟命熊示罰

厄利叟離熱里哥而往白得爾。此地之居民惡甚。供奉依臘爾王所立之金牛。厄利叟行際。有許多孩童輩。出城戲侮之。聖人見如此光景。以爲不特陵辱他。且侮慢天主矣。於是祝禍而降罰之。卽時有二熊。自林躍出。碎裂小孩四十二人。天主卽此以警也。俾知天主之斯役。勿得輕褻。

第一百七十節 兩王受行軍之賜

厄利叟行聖跡甚多。其最彰明較著者。畧紀數端。當日茹達與依士厄爾之



王會師攻擊國王毛亞耳兵到曠野。渴甚無水。兩王聞厄利叟在營中。召之。求他代祈天主。答云。不久天主便賜爾們以水解衆軍。及六畜之渴。并能克敵。迨次早祭祀時。上天未嘗降雨。而水自溝出。源源而來。衆軍飲之。一戰大獲全勝。

第一百七十一節

寡婦沾得子之恩

有一寡婦。亦係先知者之妻。來求聖人云。我丈夫已故。債主欲取吾子以償債。將如之何。聖人曰。爾家何所有。答曰。室如懸磬。只有油少許。聖人曰。你可與鄰右多備藏油之器。回家關門。將油分注各器中。待滿便取。寡婦依命而行。果如所說。卽來稟報。聖人云。你可賣油還債。餘留自給。

第一百七十二節

婦人沾活子之恩



又有一婦人。貴而好善。常欸待聖人於其家。奈無子女。厄利叟憐之曰。天主準你期年後生一子焉。越年果產一子。正遙對許口之日而生。迨長成病死。其母來哭求聖人。聖人卽往就床。身覆小兒屍上。以口親口。以目親目。以手親手。求天主賜其復活。於是屍身漸煖。生還其母。此可想全能妙用。又當服先知所爲矣。

## 第一百七十三節

厄利叟請浴愈瘋

西利亞國。有一大勢位人。富而勇。名納亞慢者。忽染癩瘋之症。其妻有一婢。由依臘爾擄來的。告其主曰。目下撒馬利亞京都。有先知者。我主若往求之。無不立愈。於是納亞慢就到其門。隨從者車馬雲集。厄利叟不會面。遣人謂曰。可往若而當河沐浴七遍。定然全愈。納亞慢不悅。悻悻而歸。左右勸之曰。



吾主斯疾匪輕。先知者所命。縱係難事。亦勢不容辭。何況這極容易乎。彼但云往洗。卽病脫矣。又何妨一試耶。納亞慢從之。遂往若而當河洗七次。癩瘋果愈。其肉軀瑩潔。與孩童之肌膚無異。

第一百七十四節

善療病不受酬儀

納亞慢自覺全愈。喜甚感甚。仍與從之人衆。再往謁厄利叟曰。吾今始知大地上。除依臘爾之大主。無有別主矣。我自今而後。止祭祀他而已。罪僕領此大恩。無以爲報。薄具微儀。仰希哂納。聖人盡却之。但使其平安而回。

第一百七十五節

妄取財轉得瘋疾

納亞慢拜辭而歸。不謂聖人之僕。熱西者。追及納亞慢而言曰。適有二位少年。亦係先知之子。從發陰山來的。吾主求你給一錠銀二襲衣與他。納亞慢



欣然與之。僕領受而回。到厄利叟之前。厄利叟問曰。汝從何來。答曰。未有他往。厄利叟責之曰。我以神目見爾。追及納亞慢。收銀錠并衣囊而回。以爲日後買田地牛羊僕役之具。今尙說謊耶。惟主有云。因你胆敢擅取。自今納亞慢之瘋。傳染於你。及你萬代子孫。責畢。此僕一出。卽發瘋症。覺白人之白。宛如白雪之白矣。

## 第一百七十六節

死先知墓裏活人

厄利叟德備功全。死期已至。依臘爾之王。若亞斯者。來問病。不覺潛然淚下。而哭曰。吾父依臘爾之聖駕兮。依臘爾之指南兮。時聖人將終。以右手按王。謂之曰。如果你真倚仗天主。真聽其命。日後許你攻西利亞三次。俱大勝之。語畢。卽逝。敬殮葬之。是年他家有喪者。亦來葬此山。望見賊來。棄其屍於聖。



人墓上。此屍正暗觸聖人骨骸。遂使之復活而起。走回家去。可知聖人雖死猶生。天主以此異跡。特顯其大功德也。

第一百七十七節 聖若納海上遭風

依臘爾之裔。有一先知者。名若納。天主命其往泥泥勿城。勸人遷善改過。他不聽主命。乃搭船往達爾西府。到大海中。暴風忽起。船將下沉。舟人把所載貨物。盡拋棄於海。以爲舟輕。而或免於覆也。於是衆人拈鬮。欲明暴風之由。誰料應在若納身上。

第一百七十八節 若納被擲於波心

狂颶如此。若納偏在船內。熟睡多時。船主呼醒。而問之曰。你是何方人氏。從那裡來的。若納直說曰。我係如德國人。背主命而逃。觸上主怒。故有此暴風。



又謂之曰。拿我擲下海去。則風息矣。舟人雖懼覆沉。不忍擲之。乃祭獻天主。以禱。誰料風浪越猛。不得已將若納拋入海中。

## 第一百七十九節

若納見吞於魚腹

天主已備大魚一尾。俟若納落海。卽時吞之。若納自入魚腹之後。悔恨已罪。求天主憐憫。天主果憐之。若納在魚腹中經三晝夜。天主命魚復吐之於岸。

## 第一百八十節

泥泥勿聞變知警

天主再命若納往泥泥勿勸人悔改。若納此次聽命。徑造入城。其城有三日路程之廣。乃于城中大呼曰。嗟哉此城。四旬後卽歸於滅亡矣。城中聞言。卽信。闔城老幼。盡守大齋。敝衣陋處。以補贖己罪。國王亦降高座。易王服。衣惡衣。坐塗炭。下令國中曰。爾衆民該痛悔前非。改行易轍。不知天主肯赦我們。



否。肯息義怒否。肯俾我等不至於死否。天主見其悔悟深切。昨非今是。遂赦之。并免其罰。

第一百八十一節 泥泥勿萬衆回生

若納見天主不降罰。心中極悶。乃坐於城外。就近處以觀城中動靜。豈料過了四旬之期。尙不見城中有災難之事。乃大怒。求主收其靈魂。且曰。吾生不如死矣。天主曉之曰。你之煩憂。以爲有理哉。譬人種一株樹。俄而枯槁。猶加痛惜。况我之於泥泥勿城乎。其中有生靈十二餘萬。多無知識者。豈忍遽滅之耶。想天主因泥泥勿之悔改。而俱赦之。又安慰聖人之煩悶。仁哉天主。善哉天主。無言可言矣。

第一百八十二節 依臘爾國王被擄



依臘爾君民。已蒙天主顯。却許多聖跡。又有先知訓誨。總不悛改。罪上加罪。於各城中。建造高大廟宇。山頂樹林下。皆安置神像。時往進香。又焚化自己子女。以獻於邪神。又信異端邪術。凡天主所禁之污穢事。都敢冒犯之。天主大怒。命亞西利亞國王沙爾瑪納撒者。來攻撒馬利亞。圍其三年。押解依臘爾十族人往亞西利亞。盡地變爲空城。乃遷巴比郎及附近居民。搬入撒馬利城居住。自是依臘爾之民。亦絕回鄉之望矣。

## 第一百八十三節

多彼亞年少不凡時降生前七百二十一年

當時被擄到亞西利亞之人。中有一少年。名多彼亞。謹守天主聖命。雖屬少年孺子。而行事老成。值夜羅波暗做一金牛。命百姓往拜。衆人都到金牛之處。惟多彼亞不與同行。獨入天主堂。敬禮朝拜。



第一百八十四節 多彼亞愛主散財

多彼亞長而娶妻。生一子。亦取名多彼亞。幼時盡心教其敬畏天主。避罪過。自被擄之後。長多彼亞之愛主愛人。不怠。凡所得之財。按日哀矜與被擄同羣。時用善言勸其敬主。一日本國王以銀十兩賞之。多彼亞又將此銀。借與一人。名牙未羅者。憐他故也。

第一百八十五節 多彼亞濟艱出險

亞西利亞一王新立。極仇依臘爾之人。逐日伺隙行殺。不許埋葬。當此民不聊生之會。多彼亞乃時往見同擄兄弟。撫慰其憂。又用財物濟助貧人。及埋葬死者。新王知之。命殺多彼亞而取其財。多彼亞挈妻子而避於僻處。得免其害。



## 第一百八十六節 多彼亞慣作埋屍

一瞻禮日。多彼亞設一盛筵。命其子往請數友同慶。子承命。道上見一死者。係依臘爾之人。歸卽稟知其父。多彼亞便潛往取屍還家。俟晚間埋葬。各友勸其不宜行此善事。恐其惹禍及身。多彼亞不從。蓋愛天主以愛世人。自畏天主過於畏國王也。

## 第一百八十七節 多彼亞甘受喪明

多彼亞慣做此掩骼埋齒之事。一日工畢。精神困憊。倚牆睡去。適上有燕巢。落燕糞而中其目。遂瞽焉。天主以此艱難付之。正立一忍耐之表。以爲後人取法。多彼亞旣當此苦。甘心樂受。不聞其有一怨恨之言。熱心敬主如故。

## 第一百八十八節 多彼亞諭妻公道



多彼亞之妻。織布度生。一日自外牽一山羊回家。其羊係日積之工錢買來者。多彼亞聞羊聲。恐是偷來之物。謂其妻曰。你小心。此羊是偷來的否。若然。即交還原主。我們不用偷來之物。以度日也。蓋多彼亞本是公道之人。故常慮有不公之事。

第一百八十九節

多彼亞訓子濟貧

多彼亞慮己之將死也。訓其子曰。我最愛你。你當聽你父之言。時時銘刻在心。方得善生。你每日記得天主。莫得罪天主。謹守天主聖命。要憐恤貧人。方得天主憐恤你。你自問。做得多少仁慈哀矜。務稱心以出。量力而施。總要情願。不可勉強。蓋仁慈之德。能免人於永死。你更要棄絕驕傲。不許驕傲入你心。不許驕傲出你口。



## 第一百九十節 多彼亞示子行恕

多彼亞又訓其子曰。你不喜人施於你之事。你亦勿以此施之於人。你有用人之力。你當酌人之勞。密交賢者。時聆其訓。一遇惡人。避之則吉。我棄世後。你葬我之尸。母在世時。你盡孝於母。你須記得。母孕你時。爲你受盡艱難。倘後來你母死。要與我合葬焉。

## 第一百九十一節 多彼亞命子討賬

多彼亞又曰。我兒。我有一言囑你。前者牙未羅曾借我銀十兩。此人今在默多省辣熱府。你可往索。少多彼亞曰。我父可囑。自當聽命。但我與彼素不相識。又不知默多省之路。怎能取回。長多彼亞曰。我有牙未羅債之券爲憑。彼一見之。定必償還。惟你要尋一忠信之人。同去方得。



第一百九十二節 索償人少年引路

少多彼亞外出。見一少年裝束。似備遠行者。乃問之曰。善後生。你是何方人。答曰。我是依臘爾之人。曰。你識往默多省之路否。答曰。識。彼處有一人。名牙未羅。是常招邀我者。少多彼亞暗喜。急回家告於其父。遂請少年入室。長多彼亞問曰。默多省之行。你若肯與我子同往。我必酌謝你也。少年答曰。諾。少多彼亞遂操券拜別父母。兩人同登程焉。

第一百九十三節 離家子老母心傷

少多彼亞之母。不忍其子之離家也。傷心流淚。對其夫曰。你因何失我兩老人承歡之處。我願見此子。勝於此銀。你反因銀之小數。而令子之遠遊乎。多彼亞曰。你不必憂。我子之往返無傷。天主自命天神。保其一路平安也。妻聞



此話乃不復言。

第一百九十四節 少年命烹魚取胆

少多彼亞與少年同行。至地。基利思河。在河邊洗足。霎見一大魚。有欲來吞噬之狀。驚甚。疾呼曰。吾主魚將食我。少年曰。勿驚。汝捉之。少多彼亞遂捕至岸。魚不久便死。少年命取其膽。以備藥用。煮其肉以備行餐。

第一百九十五節 少年論借宿結婚

日暮。將到厄巴但城。少多彼亞謂少年曰。在你之意。向城內那一家借宿耶。少年曰。此處有一人。名辣古厄。是你表親。必招接我們。他有一女。當與你婚配。汝求此女於辣古厄。必不思疑。必甘心允汝所求。因天主早預備此妻於你。且辣古厄之財帛。將來盡歸於你焉。



第一百九十六節 辣古厄歡迎舊戚

正談論間。既踵辣古厄之門。辣古厄出迎。一見少多彼亞喜顧其妻曰。此後生真與我表親同一貌。遂轉向兩人曰。你們善後生。是何方人。答曰。是依臘你泥泥勿府城之人。辣古厄曰。你識多彼亞否。答曰。識。辣古厄於敘話之間。極讚美多彼亞。少年曰。你所講之多彼亞。卽此後生之父矣。辣古厄乃抱少多彼亞而親之曰。我子你真好福。因汝父是至善之人。是時辣古厄之妻女聞言。喜極生悲。因下淚焉。蓋喜則喜其今日之得見。悲則悲其離別之久也。

第一百九十七節 辣古厄立寫婚書

辣古厄備設華筵。勸兩人入席。少多彼亞趁勢謂辣古厄曰。我今求你之女爲配。若你不首肯。我不願飲食矣。辣古厄曰。天主俯聽我求。指引你來。今吾



女得成嘉偶。你不須疑。我當下立個憑據。以安你心。乃取紙筆寫婚約。讚美天主。同席暢飲。

第一百九十八節 外父盡情留婿

辣古厄留少多彼亞多住十五日。少多彼亞感其意。不欲拂其情。遂求少年獨往辣熱府索欠。少年懷券乘駝而去。既至將欠單交牙未羅。收回銀兩。并偕牙未羅到辣古厄處。賀少多彼亞之婚配。

第一百九十九節 雙親倚闔望子

長多彼亞因其子許久不回。嘆曰。吾子何以至今未返。或者事有變遷。牙未羅已故。無人認債。而逗遛乎。因此繫念多端。不時下淚。其妻更爲抱痛。竟無可以解其憂。每日倚闔四處觀望。但冀遠遠得見其子回蹤爲幸。



第二百節 定旋里佳婿難留

少多彼亞又住了十五日。辣古厄仍欲再留。少多彼亞曰。迨今誠難從命矣。想父母因我遠遊日久。必極感傷。求你准我還鄉。以免兩處懸念。於是拜別岳父岳母。偕妻同行。途中少年謂之曰。汝到家後。該謝天主。而親膝下。用所收之魚膽。醫你父之目。目必復明。個時你父既喜得見汝。又喜得見天。豈不快哉。

第二百零一節 未歸家義犬先報

少多彼亞之母。因念子故。慣上山頂高坐。以便翹企。少多彼亞將到本城。母已望見。急歸告於夫。曩者隨少多彼亞遠行之犬。先奔回家。近主人跟前。搖尾作聲。若告新聞者然。無何遠子漸近。老父前迎。兩足急不知所向。命僕以



手引行。少多彼亞一見慈父。以口親之。父子喜極而悲。反下淚焉。

第二百零二節 施妙藥目瞽遂明

維時父子同拜主像。叩謝主恩。謝畢。列坐。少多彼亞遂將魚膽。點父之目。約半時之久。目中有膜如鷄卵白衣。脫然欲出。少多彼亞以手摸去之。目明如故。闔家大喜。讚美天主。所有親族鄰里。齊來慶賀。並賀其得天主無窮之恩。

第二百零三節 却厚酬天神出現

少多彼亞稟於父母。謂此行得同伴之人。仗助甚多。父母感激殊深。不知少年是天神。將收回之銀。分半以贈。少年辭之曰。我是辣法厄爾天神。天主面前。七品中。我列其一。天主特命我來醫爾之目。今限期已到。我將復命於天主。你們該記得天主之大恩也可。言畢。飄然而去。嗣後不復見焉。



第二百零四節 修全德父子上升

長多彼亞雙目復明之後。仍在世四十二年。終期已至。遺訓其子曰。汝當常時敬畏天主。語畢。安然而逝。少多彼亞自其父死後。轉回辣古厄處。小心服事丈人。以全半子之恩。後至九十九歲亦死。子孫效法其德行。天主甚愛之。同方人俱甚愛之。

第二百零五節 滅邪神平安可保

前文已畧紀依臘爾之事。今又續紀茹達國之事。當日亞被亞嗣其父羅波暗王位。登基三載。又傳位於其子亞撒。亞撒有德行。毀滅邪神祭堂。逐拜邪神人出境。天主最愛之。賜其常得平安。後與依臘爾交兵。一戰而勝。得敵人之財帛甚多。



## 第二百零六節 兩國王善惡異報

亞撒死。其子若撒法嗣位。熱心敬主。天主特加其光榮財帛。後來若撒法與依臘爾之背教國王。名亞甲者結好。兩國合兵。攻西利亞國。亞甲戰死。若撒法亦幾不免。幸蒙天主聖佑。得保全生命。此正表示我們。以比匪必傷。不可不戒。

## 第二百零七節 兩代后惑溺慘亡

若撒法死。若藍繼位。不肖其父之熱心敬主。因娶亞甲之女亞大里亞爲妻。專學其岳父所爲。天主教怒。罰他重病而亡。其子亞哥西亞嗣位。臨政未久。亦效其母之惡習。染罪已深。又得慘死。

## 第二百零八節 若亞士脫禍登基



阿哥西亞死。其母亞大里亞慘毒之甚。盡殺其子孫。自立爲王。若亞士者。阿哥西亞之少子也。乳母先暗藏之於天主堂內。得脫其禍。是時若依亞辣爲總鐸德。於靜中教養之。八年後。總鐸德令各官民。皆知若亞士係國王之子。乃伸大義。立若亞士而殺亞大里亞。

第二百零九節 若亞士恩將仇報

若亞士既卽位。聽總鐸德若依亞辣之訓誨。熱心敬主。不私金幣華飾。天主堂。總鐸德死後。若亞士聽信佞臣之阿諛逢迎。遂犯多罪。而背正教。總鐸德之子。常勸其改過。若亞士不特忘總鐸德之恩。且返命人以石擊殺其子。未幾若亞士在宮中爲有司所弑。無人埋葬。大失王葬之體面。

第二百零十節 昔天主驕受敵擒



若亞士已死。其子亞馬西亞嗣位。發錢糧。招大兵。攻依都未亞國。有一先知聖人。勸其倚賴天主。更勝以借助兵威。遂分兵一半。回本國。一半進戰。大獲勝仗。已勝之後。心驕氣盈。背棄天主。後爲撒瑪利亞所敗。全軍覆沒。身被敵人擄去。是皆自恃而輕撒瑪利亞之故也。

第二百十一節 僭鐸德身染惡疾

阿西亞士係亞馬西亞之子。嗣位後。蒙天主相助。駕馭斐里思丁之人。又戰勝亞辣碧士。未幾驕傲入心。擅行鐸德之權。燒香以祭獻天主。鐸德見其僭越。多方曉諭之。阿西亞士總不順命。後染瘋疾。不便爲王。遂傳位於其子若亞旦。其子卽位。却能盡心治國。

第二百十二節 行賄賂適害國民



亞加士乃若亞旦之子。背真主。拜邪神。不久國民俱變效其不善之表。天主發義怒。令撒瑪利亞及西里亞兩國與戰而敗之。彼仍不肯回心向善。又不畏羞。竊天主堂內之金銀。以賂亞西利亞王。求其相助。亞西利亞王。一到茹達國。初則與之破敵。繼乃行劫而亂其國中。

第二百十三節

擅英明復興聖教

厄色基亞是德行之選。初卽位。有志興復聖教。時諭鐸德及百姓。以除舊更新之論。因滅其父所立之邪神。修飾天主聖堂。復立占禮。所爲奇妙。與臨陣勝敵之韜畧無異。又多次戰敗斐里思丁。免茹達人納貢於亞西利亞國。

第二百十四節

主錫齡沈疴頓起

厄色基亞染重病。有一先知聖人。名意撒依亞者。謂之曰。汝死期將至矣。王



下淚求天主不收其靈魂。天主鑑其真誠。准其仍在世十五年。王又求天主顯發憑據。天主卽在日規上面之日影。反回十度以示之。至第三日。王已全愈。遂到聖堂謝主洪恩。

第二百十五節 主動戰大敵維摧

亞西利亞國王與厄色基亞打仗。圍困日路撒陵。下令曰。城內之人。可快快投降。若不肯恭順。城破之日。盡皆屠戮。當此危急存亡之際。先知聖人意撒依亞。安慰厄色基亞之心。許以天主相助。是夜天主命天神。殺敵人十八萬零五千。亞西利亞國王心驚。急走回國。後爲其子所弑。

第二百十六節 有德行生願死安

厄色基亞蒙天主保佑。免此大難。晚年享太平。不敢忘天主大恩。熱心愛主。



凡事求天主相助。無不適意。又朝乾夕惕。以樂主心。在位二十九年安然而逝。死之日。百姓如喪考妣。葬其尸於祖王之墓旁高一級焉。

第二百十七節 鋸聖人被擒悔罪

馬納色嗣厄色基亞之位。不肖其父。背真主。拜邪神。而且性格强悍。先知聖人意撒依亞謂天主義怒將至其身。王聞此語大發忿怒。如失顛一般。命人以木鋸。鋸先知聖人之身。遂致之死。天主定意降罰。後因與亞西利亞交戰。兵敗被擒。以鐵鍊鎖禁之。馬納色遭此塞難。切心悔恨。哀求天主赦罪。天主允之。使其脫身復職。自是熱心敬主矣。

第二百十八節 父子因逆主害生

馬納色之子亞蒙。踵其父之前愆。不效其父之遷義治國。僅二年。爲司所弑。



其子若西亞士嗣位能修德行善。諭百姓認識真主。後統兵攻厄日多國。天主止之。伊不聽命。徒恃己權。因此兵敗受傷。數日而死。

第二百十九節 耆老因困會議

亞西利亞攻白都利亞城。行塞水斷糧之計。將殄滅之。城中困甚。父老會議曰。若過五日。不蒙天主救援。我等即出投降可也。

第二百二十節 儒弟示衆耆求主之方時降生前六百五十七年

是時城內有少年孀婦名儒弟。自其夫死後。閉門不出。守齋克己。日與婢輩同工作。一聞父老之議。即往責之曰。你們限天主以救護之期。豈欲試天主之全能耶。恐不見憐。返邀聖怒耳。何不一意求主。惟存不敢絕望之心。方得天主仁慈垂救。



第二百二十一節 儒弟有孤身造營之膽

儒弟守齋三日。求天主神力相扶。乃盛服而出。一婢隨行。徑到敵營。謁主將。何洛弗耳諾。主將一見儒弟甚喜。善待之。是日設席飲衆焉。

第二百二十二節 一婦仗主斬帥

何洛弗耳諾飲醉。晚臥於床。儒弟因解柱上所懸之劍。祝曰仁慈大主。加恩罪女能力。成全此事。祝畢。將主將斬之。取其首級以歸。彼軍中無主。越朝各自潰散。白都利亞之人。讚頌天主。慶賀儒弟之功。日路撒陵之鐸德。亦來拜會。因讚美之云。你係日路撒陵之光榮兮。你係衣士厄爾民之喜樂兮。聖婦終身。恒守潔淨。及謙讓之德。故於天主台前。人皆敬之。

第二百二十三節 三子繼位喪邦降生前六百零六年



若西亞士有三子。一名若亞加士。在位僅三月。與亞西利亞國交戰。失利被擄。一名夜哥尼亞士繼立。時有拿布哥多那篋者。巴卑倫國王也。攻破日路撒陵。擄去豪傑。留下凡民。另立色德西亞士爲王。此乃茹達之末朝王也。未幾色德西亞士作亂。拿布哥多那篋再到日路撒陵。滅其城。燬天主聖堂。擒色德西亞士。挖其目。而囚之。

## 第二百二十四節

衆少年在朝教養降生前六百零六年

拿布哥多那篋既擄茹達之人回國。選美貌少年。得四人。一名達尼厄爾。一名亞拿尼亞士。一名未撒厄。一名亞沙利亞士。四人之外。又有別少年。統在朝中教養。以備後來侍側司食之用。王欲其貌更美。命人給他膳饌。與已一樣。四少年小心謹慎。不肯濫享異教之物。止食蔬菜。而其貌其力。已更勝於



別少年也。

第二百二十五節 三少年蹈火平安

拿布哥多那。以金鑄己像。命人朝拜。有不從者。置之死。亞拿尼亞士。未撒厄。亞沙利亞士。三少年。寧死不拜。惟拜真主。王怒。命人於其身衣面。以索繫之。驅入火窰。奇哉。此火不燒其身。不燬其衣。俱焚所繫之索。而三少年在火窰中。安然無恙。行坐如常。

第二百二十六節 一節婦拒姦被執

巴卑倫城內。有一家巨富。其妻蘇撒納。美艷異常。貞潔尤甚。一日獨往園中。猝遇兩士豪。見色心動。強欲污之。兼以危言嚇之。蘇撒納窘極。心內自忖曰。若不從。定遭毒手。若從之。則得罪天主。乃立定主意。寧死不敢犯罪。兩士豪



大怒。執至公堂對衆人曰。此婦犯姦。爲我們所獲。按正國法。該問死罪。

第二百二十七節 兩士豪誣告受誅

大廷喧嘈之際。驚動一少年。名達尼厄爾。天主默啟其心。卽出堂詢問何事。立命帶原告來。分兩堂訊之。各指捉姦之所。兩不相符。達尼厄爾當衆謂士豪曰。你二人誣此婦犯姦。今已顯揭其僞。主之天神提劍在手。將你二人反坐。衆人聞言。讚美天主。明證蘇撒納無罪。遂殺二人。以爲誣告者戒。

第二百二十八節 人性頑愚奉泥像

巴卑倫城立一土神。名伯爾。像極華麗。通國供奉。王亦每日朝拜。一日王謂達尼厄爾曰。你爲何不拜國家所敬之神。達尼厄爾曰。我不拜木雕泥塑之神。但拜造天地造萬物常活之天主。王又曰。你謂我們所拜者。非常活耶。你



獨不見伯爾之神。逐日歆享祭物乎。達尼厄爾聞言大笑。王怒。命人具備牲醴。比往日更豐。擺列停當。達尼厄爾爰使役人布灰於地。王乃封鎖堂門。蓋所佩之戒指印爲記。以驗神之果食與否。

第二百二十九節

地灰布智滅土神

明日王與達尼厄爾同來。堂門封鎖如故。啓視之。見所設之饌。盡去一空。王高聲曰。大哉伯爾之神矣。你還有甚麼可疑耶。達尼厄爾曰。王不見地面之履跡乎。請驗之。乃沿跡而尋。至僧人及妻子所居之室。執而訊之。盡伏其罪。彼蓋日食民間所獻之物。詭言神享。以誑衆也。王命殺僧人及其妻子。以伯爾之神。付於達尼厄爾任其處置。達尼厄爾遂滅其像。而燬其堂。

第二百三十節

戮蛇身休憑劍刃



巴卑倫城。有一大蛇。百姓奉之爲神。王謂達尼厄爾曰。你今還敢說此蛇不是活神否。我要命你拜之。達尼厄爾答曰。非天主。非天神。我不拜此蛇。王若假手於我。我能殺之。不用刀劍。王曰。任你所爲。毋貽後悔。達尼厄爾於是取瀝青及毛一撮。以猪油煑之。灌入蛇口。蛇卽裂胸而死。達尼厄爾謂王曰。你們所拜者如此而已矣。豈神也耶。

## 第二百三十一節

雪蛇恨擲入獅牢

是時通國之人。聞達尼厄爾戮蛇一事。皆怒。蜂擁而至。求國王罰其慢神之罪。王見衆怒難犯。不得已聽衆所爲。衆人忿嫉難平。將其擲入獅牢。牢有七獅。數日已不飼。欲因其大餓。速噬達尼厄爾。以雪此深恨也。

## 第二百三十二節

猛獸能愛德噬仇



達尼厄爾已入獅牢。六日無傷。王意其必死。越七日。親往哭之。見其安然無恙。王驚喜交集。命人放出。旋令將謀害達尼厄爾者。驅之入牢。獅立噬之。王曰。宇宙內。誰不畏達尼厄爾之天主乎。彼能救人。顯異蹟於世間。今又救達尼厄爾於獅子之口焉。由是觀之。達尼厄爾所行之異能。已大且多。先知之名愈顯。其聖蹟之最著者。乃於聖子未誕之先。預言四大朝相繼而王。并降生救贖之期也。

第二百三十三節

論別位先知之聖能

然自古先知之聖。必須蒙天主默示。方能預言降生之事。蓋基利斯督爲天主聖子。出身救世也。惟預顯其光榮。發其真實。故一降生。卽令世人皆識爲眞主。知其有天主性。兼有人性。并知其聖誕何時。降生何地。童貞聖母在世



之行實。受難復活升天諸大端。凡有關於耶穌本體者。莫不詳言且盡。所以救世主之事。自古迄今。若合符節焉。彼德超越之先知。倘非由天主默啟照引而來。則所言之奧妙。所行之聖蹟。又安能深入人心。永堅人之信德也耶。

## 第二百三十四節

亞蠻欲使人拜己

馬鐸格係茹達人。能免本國之難。溯其被巴卑倫擄去時。有一姪女名厄思地。父母雙亡。馬鐸格教之養之。既長。亞蘇厄落國王。聘爲后。甚寵異之。是時朝內有一人名亞蠻。王亦愛之。亞蠻恃王之愛。頓生傲心。欲人拜己。馬鐸格不從。亞蠻仇之。欲盡滅茹達之人。以雪其恨。主意已定。因聳王出示以遂其謀。

## 第二百三十五節

馬鐸格求援於王后



馬鐸格聞亞蠻之謀。乃裂己衣。而穿惡服。塗炭其首。入朝太息。怨恨不已。厄思地聞之。問其所以。乃知亞蠻欲盡滅茹達之人。并害馬鐸格。王后先求天主。後見國王。未卽說明。求救之意。但請王明日同席而食。

第二百三十六節 厄思地能救其族人

明日王與亞蠻來享王后之宴。席間王心甚喜。后乃俯首而跪於王之足前。王曰。汝有所求。我必允之。欲求分本國。無不曲從。后曰。我王。求你救我。及我本族之人。因亞蠻强悍。欲行殄滅。王聞此語。怒從心起。知亞蠻已預備十字架。欲報恨於馬鐸格。遂命人釘亞蠻於十字架焉。

第二百三十七節 茹達人得回鄉土時降生前五百三十六年

曩者茹達之人。被巴卑倫擄去。計已七十年矣。與天主前諭相符。後因伯路



撒國王西祿戰敗巴卑倫遂准茹達之人回國復建天主堂又命給回天主堂內應用之物此物係前被拿布哥多那筴所掠者於是茹達之人奉筴羅巴爲主乃回日路撒陵另立新堂基址久不落成因鄰國有所指阻故也。

## 第二百三十八節

茹達國新立章程

茹達之人已回本國新立制度禁令不設國王國務盡付權於總鐸德初則納糧於伯路撒後因額勒濟亞國王名亞立山者戰勝達畧遂轉納於額勒濟亞又敬其祖父所敬之眞主雖受許多風波終不變志有西里亞國王名安地阿居斯者風波於茹達更甚今畧紀其事於後。

## 第二百三十九節

弗棄基聖堂被劫降生前一百七十年

西里亞國王安地阿居斯欲滅茹達國人正教出令轄其背祖父之聖訓而



遵異教之禮規。又在茹達國內。立邪神祭堂。將日路撒陵天主堂之重器。盡行搶掠。命人燒聖經書籍。不順命者。以嚴刑治之。業在城內。殺人無數。又恐逼變。先設兵於城內鎮守焉。

第二百四十節

恐背主豕肉難嘗

茹達之人。多有離本國而冀免難者。亦有寧死而不肯背主者。厄利亞沙茹達之老人也。雖踐歷多艱。而操守愈固。有人逼其食豕肉。伊力拒之。豕肉本係天主所禁。後驅至臨刑之地。友以他肉勸食。權作依順王命。欲免其死。

第二百四十一節

厄利亞沙致命

厄利亞沙不聽其友之勸。乃曰。我年已老。不宜爲此背主之事。恐留不善之表。貽悞後人。一死何足惜。勝於苟延殘喘。以汚名節也。若我順你意。雖能免



人之重戮。安能脫天主之義怒耶。言畢。甘心受刑而死。遂得永遠之光榮焉。

第二百四十二節 一母七子致命

有一婦人。并其七子。皆效厄利亞沙之善表。同時被獲。鞭撻頻仍。逼其背主。長子曰。我們兄弟知捐生勝於犯罪。已預備死所久矣。王怒。命人燒通紅一鑊。因割其舌。剝其頭皮。斷其四掌。置鍋內而煎死之。母及兄弟。雖見此酷刑。皆互相激勸。堅心待受。王又將其次子。拔頂髮而剝其頭皮。問其肯食所與之肉否。答曰。不食。乃亦割其四肢。放於紅鑊中。臨死時。顧惡王曰。你雖能奪我們現時生命。天主因我們爲聖教而捨生。將償我們以所失之命焉。其第三子之受刑。與兩兄無異。先將自己手與舌。交付行刑之人。謂之曰。此物乃天主所與我者。今因天主之故。我不愛此四肢。將來望天主還我。王及衆人。



見其從容就義。受苦如不經意。皆訝其堅信。第四子亦同此慘戮。將死時。亦謂曰。我們盡分而得此。因我們受死。爲守天主之聖命。以得常生也。第五子臨刑時。曰。國王你妄用你之權。謂天主盡離我們。謂我們無可望處。不久你便知天主之全能。曰。國王不宜錯悞。勿以我們之苦難爲喜。今我們受難。因自己之罪而補贖之。不旋踵與天主相親。汝乃相讐。以汝之驕傲。你之殘忍。將受大災禍也。王見其一家同志。罔有變節。欲得一背教者。而甘心焉。乃向其小子。安地阿居士。以財利快樂誘之。以重罰嚴刑懼之。而少子心自不動。王又轉諭其母。勸之順命。母乃譏誚惡王。而對子曰。我子你當哀憐你母。當記你母懷你在腹中。與產你後。拊畜顧服之恩。以效汝兄之守死善道。莫畏殺人之人。但畏天主。仰望天主。天主必償你焉。子聞母言。心志堅定。大



呼曰。我不畏惡王之威。我守天主之命。遂回顧王曰。你這等惡人。必不能免。天主之義怒。將有個時候。天主罰你。此刻你不能忍。便識自己何如。若我們之本族。不獲戾於天主。必不遭此災難。未幾就見我們兄弟之血。息天主之義怒。而得天主赦我們本族之罪過。我們甘忍此暫苦。必蒙天主賞以常生。惡王難禁其誚。更用不堪聞見之法。置之死焉。七子既死。其母亦必不免。賢哉此母。須永遠記之。當七子臨刑時。能忍耐其本性。而以善言慰勉自己。亦甘受極刑而死。是其血與七子之血。得爲天主而同流焉。斯真所謂母氏聖善。子皆令人者矣。

第二百四十三節 明大義風息波平

是時日路撒陵有一鐸德名馬達地亞。生五子。一茹荅。一若納達。一西滿。一



厄利亞沙。一若望。父子六人。不忍見風波之苦。離本城居荒野。國人愛天主教。多有從之者。未幾生聚益繁。大成隊伍。乃奉馬達地亞爲主。申明大義。救風波而衛聖教。滅新建邪神之祭堂。復立恭敬天主之禮。斯禮也。殆不行久矣。

第二百四十四節

繼續兵奪劍得地

馬達地亞臨終。將統兵之權。付與其子。茹荅混名馬加被者。此子有膽畧。能做其父未了之事。能盡其爲兵牧之職。祈求天主相助。攻破安地阿居士之軍營。親殺其總兵亞波羅尼約。得其利劍。而取其地。設兵堅守之。後來用兵。俱佩此劍焉。

第二百四十五節 三千兵初行報捷



安地阿居士聞亞波羅尼約兵敗被殺大怒命一兵牧名里西亞士務擾亂如德亞地而盡滅其人乃使尼加諾及俄祿依亞二人進戰發步兵四萬馬兵七千離日路撒陵不遠駐營茹荅僅得兵三千衆寡不敵惟望天主相助一以當百乃大獲勝仗盡得其軍裝器械焉。

第二百四十六節 一萬衆再有成功

里西亞士聞兵敗心疑尼加諾俄祿依亞二將失機乃親統兵六萬五千入茹荅之地馬加被惟求天主相助督兵一萬迎戰復大勝殺敵五千餘衆驚走回國。

第二百四十七節 茹荅能重修聖殿

茹荅勝敵之後入日路撒陵見兵燹之餘飄零實甚主堂門既被焚燒祭主



臺亦沾塵垢。荒苔蔓草。一地蒙茸。感傷不已。於是掃除修葺。煥然一新。大行聖事。復立禮規。來慶者。踴踴濟濟。因定每年此日。賀此瞻禮。以爲永遠記念云。

第二百四十八節

茹苔有兩翼神兵

是時也。以復立天主堂。故鄰國妬忌。乘釁來攻。茹苔率兵逆之。當戰時。天主顯示神威。令打仗之人。見有五騎人馬強壯。兩騎在茹苔左右護衛。仇不能害。三騎拈弓搭箭。射以對軍。敵人心驚目眩。四散奔走。被殺者二萬五千人。

第二百四十九節

天主降腹痛之重罰

安地阿居士聞茹苔敗其兵。狂怒。將入如德亞之地。屠城戮人。以雪大恨。天主罰之。令其腹痛。他不顧。乘馬車而出。驟驅覆墜。腹痛愈甚。以至四肢腐爛。



生蛆惡臭不堪聞。已及左右服役人。未有能禁此穢氣者。

第二百五十節 天主棄怕死之暴王

安地阿居士因斯病苦。心頓悟。始覺自己爲人。曩時以患難加於如德亞。今受此痛楚。正係不善降災之應。乃立願。將來與如德亞人和睦親愛。但其口雖如此。不過怕死而已。實非真情悔改。不能感動天主仁慈。痛苦刻刻加重。此殘賊暴王惡死之徵。良可慨哉。

第二百五十一節 騎馬神金斧督戰

安地阿居士之子。名甌巴多嗣位。其仇如德亞人。與父無異。命里西亞士往攻里西亞士前爲茹荅所敗。欲洗喪師之恥。茹荅倚賴天主全能。誠心求助。將戰時。忽見騎馬一人。在衆軍之前。身穿白衣。手持金斧。茹荅知是天神。遂



踴躍迎敵。猛如獅子。殺死仇人步兵一萬一千。馬兵一千六百。

第二百五十二節 驪象陣木塔藏兵

甌巴多既敗。欲求必勝。乃舉國興師。得步兵十萬。馬兵二萬。國王臨陣。入如德亞之境。驅象先行。象獸最大。其聲可駭。每象一隻。負一木塔。塔內藏兵。兵執器械。勢不可當。茹荅雖兵微將寡。倚賴天主。直前接戰。殺死敵人四千。俘獲甚衆。

第二百五十三節 敢衝營刺象被壓

茹荅之弟。厄里亞沙。膽甚壯。接戰時。見有一象大於羣象。身穿王服。以爲國王。必在此中。遂衝入敵營。俯身刺象。象斃而倒。厄里亞沙竟被壓死。

第二百五十四節 敢慢主懸首示箴



德未惕斯接西里亞國王之位。命尼加諾往攻如德亞。尼加諾以手指天主聖堂。口出惡言。謂必將蕩平之。茹苔之兵手執軍器。而心向主求助。兵雖無幾。終獲勝仗。尼加諾戰死。得其尸。茹苔命斬其首。擄回日路撒陵。示衆。又命將其手釘於天主堂之牆。以爲輕慢天主者戒。

## 第二百五十五節

未祈主宜其中箭

未幾德未惕斯之兵牧。巴基德復與茹苔打仗。茹苔此次未求主助。兵遂潰亂。僅以八百人迎戰。初得小勝。復被圍困。中箭而死。葬之日。百姓如喪考妣。蓋思其德。而愛其人也。

## 第二百五十六節

既約和自爾寢兵

茹苔既死。若納達接位。德行韜畧。與兄無異。數敗巴基德。逼其求和。是時德



未惕斯國王。被亞立山打死。亞立山自言爲安地阿居士之子。與若納達立和約。兼餽送綵服焉。自此常以忠信相守。當亞立山蒞治時。如德亞國內平安。未幾若納達爲地利寬所殺。

第二百五十七節

三傳內究有可觀

若納達既死。西滿接權。總理國務。不久被其壻謀殺。西滿之子若望混名。依兒加奴士嗣位。僅一年而死。其子亞利思多步羅繼立。初正國王之號。初戴國王之冕。茹達人因擄而回後。斯爲創始之鉅觀也。

第二百五十八節

降生前此其大畧時天主造天地後四千年

亞利思多步羅既死。其子亞立山卽位。無功業可紀。亞立山死後。二子爭位。是時羅瑪總統。邦被依入茹達國。佯言勸其兄弟相和。實欲謀占其地。茹達



人乃轉納糧於羅瑪。未幾黑落德強取茹達國。此卽以外國人爲茹達國王之創始也。其當國時。正屬吾主基利斯督降生。與前所許原祖及列祖。并先知所預言者。一一符合焉。





